

■ ঈদের দিনের ফযিলত	৪৮০
■ ঈদ উদ্‌যাপন	৪৮১
■ সাদকায়ে ফিতর	৪৮২
■ সাদকায়ে ফিতরের পরিমাণ	৪৮৩
■ সাদ্‌কাতুল ফিতর ওয়াজিব হওয়ার সময়	৪৮৩
■ ঈদুল ফিতরের দিন করণীয় কাজ	৪৮৩
■ ঈদের নামাযের নিয়ম	৪৮৪
■ ছয় রোযা	৪৮৫
■ পিতা-মাতার হক	৪৮৬
■ শরয়ী বিধান	৪৯০
■ পিতা-মাতার খেদমতের উসিলায় বিপদ মুক্ত হয়	৪৯৩
■ সদাচরণের জন্য পিতার চেয়ে মাতা অগ্রগণ্য	৪৯৪
■ মায়ের অসন্তোষের পরিণাম	৪৯৬
■ মায়ের বদদোয়া অন্যায়ভাবে হলেও কবুল হয়ে যায়	৪৯৭
■ প্রতিবেশীর হক	৪৯৮
■ আত্মীয়ের হক	৫০১
■ স্বামী -স্ত্রীর অধিকার	৫০৩
■ সতী সাধবী স্ত্রীর গুণাবলি	৫০৮
■ এ মাসে ওফাতপ্রাপ্ত মনীষীগণ	৫১০

শাওয়াল

‘শাওয়াল’ আরবী মাসসমূহের মধ্যে ১০ম মাস। রমযানের পরে ও যিলকদের পূর্বে এর অবস্থান। মাহে রমযানের সাথে মিলিত হওয়ার কারণে এর ফযিলত বৃদ্ধি পেয়েছে। যেমনিভাবে সুন্নাতে রাবেতা তথা ফরয নামাযের আগে-পরের সুন্নাত অন্যান্য সুন্নাতের চেয়ে দামী। তাছাড়া এ মাসটি থেকে হজ্জের মাস আরম্ভ হয় বিধায় ইসলামে এর গুরুত্ব অপরিসীম। এমাসের প্রথম দিন হলো ঈদের দিন। বান্দা দীর্ঘ একমাস যাবৎ সিয়াম সাধনার পর রোযা ভঙ্গের মাধ্যমে উৎসব বা খুশী উদযাপন করার কারণে এটিকে ঈদুল ফিতর বলা হয়। ঈদের দিন বিশ্ব মুসলিম পরস্পর হিংসা-বিদ্বেষ ভুলে কাঁধে কাঁধ মিলিয়ে ঈদগাহ গিয়ে ছোট-বড়, ধনী-গরীব, আমীর-ফকির, শিক্ষিত-অশিক্ষিত ও জাত-বংশের যাবতীয় ভেদাভেদ ভুলে একই কাতারে দাঁড়িয়ে ঈদের নামায পড়ে, একে অন্যের সাথে বুক মিলিয়ে শুভেচ্ছা বিনিময় করে। এতে পরস্পর ভ্রাতৃত্ববোধ, ভালবাসা, প্রীতি ও সৌহার্দ্যের এক অনুপম দৃষ্টান্ত প্রকাশ পায়।

ঈদের দিনের ফযিলত

মাওয়াজির গ্রন্থের উদ্ধৃতি দিয়ে মাওয়ায়েযে রেজভীয়া গ্রন্থে বলা হয়েছে— وَلِلَّهِ عَزَّ وَجَلَّ كُلُّ فِطْرٍ مِنْ شَهْرِ رَمَضَانَ كُلِّ لَيْلَةٍ عَقَاءُ مِنَ النَّارِ سِتُونَ أَلْفًا، فَإِذَا كَانَ يَوْمُ الْفِطْرِ أَعْتَقَ فِي شَهْرِ رَمَضَانَ كُلِّ لَيْلَةٍ عَقَاءُ مِنَ النَّارِ سِتُونَ أَلْفًا، فَإِذَا كَانَ يَوْمُ الْفِطْرِ أَعْتَقَ فِي شَهْرِ رَمَضَانَ كُلِّ لَيْلَةٍ عَقَاءُ مِنَ النَّارِ سِتُونَ أَلْفًا، فَإِذَا كَانَ يَوْمُ الْفِطْرِ أَعْتَقَ فِي شَهْرِ رَمَضَانَ كُلِّ لَيْلَةٍ عَقَاءُ مِنَ النَّارِ سِتُونَ أَلْفًا

“আল্লাহ তায়ালা পবিত্র মাহে রমযানের প্রতি রাতে ইফতারের সময় ষাট হাজার জাহান্নামীকে জাহান্নাম থেকে মুক্তি দান করেন। যখন ঈদুল ফিতরের দিন আসে তখন সারা মাসে যে পরিমাণ লোককে জাহান্নাম থেকে মুক্তি দেওয়া হয়েছে সে পরিমাণ লোককে ঐ একদিনেই মুক্তিদান করেন। সুতরাং এ হিসাবে কেবল ঈদুল ফিতরের দিন আল্লাহ তায়ালা আঠার লক্ষ্য জাহান্নামীকে মুক্তিদান করেন।”^{১৩৬০}

অনুরূপ হাদিস ইবনে আব্বাস (রা.) থেকে আল্লামা ইবনে রজব হাম্বলী (র.) (৭৯৫ হি) লাতায়ফুল মা‘আরিফ গ্রন্থের ৩৫০ পৃষ্ঠায় বর্ণনা করেন। হযরত আনাস (রা.) থেকে বর্ণিত হাদিসে আছে—

فَإِذَا كَانَ يَوْمُ عِيدِهِمْ، يَعْنِي يَوْمَ فِطْرِهِمْ، بَاهَى بِهِمْ مَلَائِكَتُهُ، فَقَالَ: يَا مَلَائِكَتِي مَا جَزَاءُ أَجِيرٍ وَفَى عَمَلُهُ؟ قَالُوا: رَبَّنَا جَزَاؤُهُ أَنْ يُوفَى أَجْرُهُ، قَالَ: يَا مَلَائِكَتِي عِيدِي وَإِمَائِي قَضَوْا فَرِيضَتِي عَلَيْهِمْ، ثُمَّ خَرَجُوا يَخْجُونَ إِلَيَّ بِالدُّعَاءِ، وَعَزَّتِي وَجَلَالِي وَكَرَمِي وَغُلُوِّي وَارْتِفَاعِ مَكَانِي لِأَجْسِنَهُمْ، فَيَقُولُ: ارْجِعُوا فَقَدْ غَفَرْتُ لَكُمْ وَبَدَلْتُ سَيِّئَاتِكُمْ حَسَنَاتٍ، قَالَ:

فَيَرْجِعُونَ مَغْفُورًا لَّهُمْ ঈদুল ফিতরের দিন যখন আগমন করে তখন আল্লাহ তায়ালা স্বীয় ফেরেশতাদের সম্মুখে তাঁর বান্দাদের ইবাদতের উপর খুশী হয়ে বলেন, হে ফেরেশতাগণ! যারা স্বেচ্ছায় দায়িত্ব পালন করে আজ এখানে সমাবেত হয়েছে তাদের কি প্রতিদান হওয়া উচিত? উত্তরে ফেরেশতাগণ বলবেন, হে আমাদের প্রভু! তাদের পুণ্যময় কাজের সম্পূর্ণ পারিশ্রমিক দেয়া উচিত। তখন আল্লাহ তায়ালা বলবেন, হে ফেরেশতাগণ! আমার বান্দা বন্দিদীনরা আমার বিধান পরিপূর্ণভাবে পালন করেছে। অতঃপর উচ্চস্বরে তাকবীর পাঠ করে করে দোয়ার জন্য বের হয়েছে ঈদগাহের দিকে। আমার ইয্যতের শপথ! আমার জালালিয়তের শপথ! আমার উচ্চ মর্যাদার শপথ! আমি অবশ্যই তাদের দোয়া কবুল করব। তারপর তিনি বলবেন, হে লোকসকল! তোমরা ফিরে যাও, আমি তোমাদের গুনাহ ক্ষমা করে দিয়েছি এবং তোমাদের পাপকে নেকীতে পরিবর্তন করে দিয়েছি। রাসূল ﷺ এরশাদ করেন, লোকেরা ঈদগাহ থেকে নিষ্পাপ হয়ে ফিরে আসবে।^{১৩৬১}

ঈদ উদযাপন

ঈদের দিন সুন্দর ও উত্তম পোশাক পরিধান করা, সুস্বাদু খাবার খাওয়া এবং অনৈসলামিক কার্যকলাপ ও আনন্দ উল্লাসে মেতে উঠার দ্বারা প্রকৃত ঈদ উদযাপিত হয়না। বরং ইসলামী ঈদ উদযাপিত হয়- আল্লাহর আনুগত্য, গুনাহ থেকে দূরে থাকা, গুনাহের পরিবর্তে সওয়াব অর্জনের চেষ্টা করা ইত্যাদি কল্যাণমূলক কাজের মাধ্যমে। ঈদের দিন হযরত আলী (রা.)'র খেদমতে এক ব্যক্তি উপস্থিত হলেন। এসময় তিনি আটার ভুসির তৈরী রুটি আহার করছিলেন। আগন্তুক ব্যক্তি জিজ্ঞাসা করলেন, আজকে ঈদের দিন, অথচ আপনি ভুসির তৈরী রুটি খাচ্ছেন? উত্তরে তিনি বলেন, আজকে ঈদ তাদের জন্য যাদের রোযা কবুল হয়েছে, যার পরিশ্রম সফল হয়েছে আর যার গুনাহ মাফ হয়েছে। আজকের দিন, আগামী দিন এবং প্রত্যেক দিন আমাদের জন্য ঈদের দিন হবে যেদিন আমরা আল্লাহর নাফরমানী করবোনা।^{১৩৬২}

আল্লামা ইবনে নাবাতা (রা.) বলেন, হে মুসলিম ভাইগণ! তোমরা শাওয়াল মাসে রমযান মাসের ন্যায় আমল কর এবং রমযানে কৃত আমলসমূহ আল্লাহর দরবারে প্রত্যাখ্যান হয় কিনা ভয় কর। যেমন হযরত আবু হোরায়রা (রা.) থেকে বর্ণিত আছে, তিনি বলেন, আমি ঈদের দিন হযরত ওমর (রা.)'র ঘরে প্রবেশ করে দেখলাম তিনি ঘরের দরজা বন্ধ করে কান্নাকাটি করছেন। আমি বললাম, হে আমীরুন্না মু'মিনীন! মানুষ

^{১৩৬১}. শেখ ওয়ালী উদ্দীন মুহাম্মদ ইবনে আব্দুল্লাহ (৭৪০ হি) মিশকাত শরীফ, পৃ-১৮২

^{১৩৬২}. আব্দুল কাদের জিলানী (রা.) (৫৬১হি.), গুনিয়াতুত তালেবীন, উদু, পৃ.৩৭৭

ঈদের খুশী উদযাপন করছে আর আপনি কাঁদছেন? উত্তরে তিনি বলেন, আনন্দিত লোকেরা যদি বুঝত তবে তারা আনন্দিত হতোনা। অতঃপর তিনি আবার কান্না আরম্ভ করলেন এবং বললেন, যদি তারা মকবুল বান্দাদের অন্তর্ভুক্ত হয়, তবে খুশী হওয়া উচিত। আর যদি প্রত্যাশীতদের অন্তর্ভুক্ত হয়, তবে ক্রন্দন করা উচিত। আমিতো জানিনা যে আমি কি মকবুলদের অন্তর্ভুক্ত না প্রত্যাশিতদের অন্তর্ভুক্ত।^{১৩৬৩}

সাদকায়ে ফিতর

আল্লাহ তায়ালা এরশাদ করেন- **وَذَكَرَ اسْمَ رَبِّهِ فَصَلَّى** নিশ্চয়ই সফলতা লাভ করছে সে, যে অন্তরকে পরিশুদ্ধ করেছে এবং তার পালনকর্তার নাম স্মরণ করে নামায আদায় করে।^{১৩৬৪}

হযরত কাতাদাহ ও আতা (র.) বলেন উক্ত আয়াতে **تَرَكَّى** দ্বারা সাদকায়ে ফিতর উদ্দেশ্য। আর **وَذَكَرَ اسْمَ رَبِّهِ فَصَلَّى** এর ব্যাখ্যায় হযরত আবু সাঈদ খুদুরী (রা.) বলেন, পালনকর্তার নাম স্মরণ অর্থ হলো তাকবীর পাঠ করা আর **صَلَّى** দ্বারা উদ্দেশ্য হলো ঈদগাহে গিয়ে ঈদের নামায পড়া।^{১৩৬৫} ঈদুল ফিতরের দিন সাদকায়ে ফিতর আদায় করা মুস্তাহাব। হাদিস শরীফে বর্ণিত আছে—

فرض رسول الله صلى الله عليه وسلم زكاة الفطر طهر للصائم من اللغو والرفث وطعمة রাসূল ﷺ সাদকায়ে ফিতরকে ওয়াজিব করেছেন। রোযাদারের রোযার ভুল-ত্রুটি মার্জনার জন্য এবং গরীব মিসকীনদের আহ্বারের জন্য।^{১৩৬৬} ওয়াকী ইবনুল জাররাহ (র.) বলেন, রমযানের জন্য সাদকায়ে ফিতর হলো নামাযে সাহ্ সিজদার ন্যায়। নামাযের ত্রুটি যেমনি সাহ্ সিজদা দ্বারা পূর্ণ হয় তেমনি রমযানের রোযার মিথ্যা, গীবত, চোগলখোরী ইত্যাদি গুনাহের কারণে যে ত্রুটি হয় তা সাদকায়ে ফিতর দ্বারা পূর্ণ হয়।^{১৩৬৭}

দাইলামী খতীব ও ইবনে আসাকের (র.) হযরত আনাস (রা.) থেকে বর্ণনা করেন, রাসূল ﷺ এরশাদ করেন, সাদকায়ে ফিতর আদায় না করা পর্যন্ত রোযাদারের রোযা আসমান ও জমিনের মধ্যবর্তী লটকিয়ে থাকে। অর্থাৎ আল্লাহর দরবারে পৌঁছেনা।

^{১৩৬৩} ইবনে নাবাতা (রা.), খোতবায়ে দোয়াযদাহ মাহী, শাওয়ালের প্রথম খোতবা, পৃ. ১৬৮

^{১৩৬৪} সূরা আল আ'লা, আয়াত ১৪-১৫

^{১৩৬৫} আব্দুল কাদের জিলানী (র.) (৫৬১ হি), গুনিয়াতুত তালেবীন, উর্দু, পৃ. ৩৭০-৩৭১

^{১৩৬৬} শেখ ওয়ালীউদ্দিন মুহাম্মাদ ইবনে আব্দুল্লাহ (৭৪০ হি), মিশকাত শরীফ, পৃ. ১৬০

^{১৩৬৭} আব্দুল কাদের জিলানী (রা.) (৫৬১ হি.) গুনিয়াতুত তালেবীন, উর্দু, পৃ. ৩৭১

মৌলিক প্রয়োজনের অতিরিক্ত নিসাব পরিমাণ সম্পদের মালিক প্রত্যেক মুসলিম নারী পুরুষের উপর সাদকাতুল ফিতর ওয়াজিব।

সাদকায়ে ফিতরের পরিমাণ

গম ও গমের আটা, যব ও যবের আটা এবং খেজুর ও কিসমিস দ্বারা ফিতরা আদায় করা যায়। গম হলে অর্থ সা (১ কেজি ৭৫০ গ্রাম) এবং যব কিংবা খেজুর হলে এগুলোর মূল্য হিসাব করে দিতে হবে। কিসমিস হলে এক সা' দিতে হবে। দুর্ভিক্ষের সময় খাদ্য দ্রব্য দ্বারা ফিতরা আদায় করা উত্তম। সাধারণ অবস্থায় মূল্য আদায় করা উত্তম।

সাদকাতুল ফিতর ওয়াজিব হওয়ার সময়

ঈদুল ফিতরের দিন সুবহি সাদিকের পর সাদকায়ে ফিতর ওয়াজিব হয় এবং ঐদিন ঈদের নামাযের পূর্বে আদায় করা মুস্তাহাব। তবে এর পূর্বে ও পরে আদায় করলেও আদায় হয়ে যাবে। সুবহে সাদিকের পূর্বে কেউ মারা গেলে তার উপর সাদকায়ে ফিতর ওয়াজিব হবেনা। পক্ষান্তরে সুবহে সাদিকের পর কোন সন্তান জন্মগ্রহণ করলে কিংবা কেউ মুসলমান হলে তার উপর সাদকায়ে ফিতর ওয়াজিব। নিজের এবং নিজের নাবালেগ সন্তানদের পক্ষ হতে সাদকায়ে ফিতর আদায় করা ওয়াজিব। স্ত্রী এবং বালেগ সন্তানগণ নিজেরাই ফিতরা আদায় করবে। তবে স্বামী এবং পিতা তাদের পক্ষ থেকে আদায় করলে আদায় হয়ে যাবে। এক ব্যক্তির ফিতরা এক মিসকীনকে দেওয়া উত্তম। তবে একাধিক ব্যক্তিকেও দেওয়া যায়। আবার একাধিক ব্যক্তির ফিতরা একজন মিসকীনকে দেওয়া জায়েয।

ঈদুল ফিতরের দিন করণীয় কাজ

ঈদুল ফিতরের দিন নিম্নোক্ত কাজসমূহ সুন্নাত: ১. প্রত্যুষে ঘুম থেকে উঠা, ২. মিসওয়াক করা, ৩. ঈদের নামাযের পূর্বে গোসল করা, ৪. সুগন্ধি ব্যবহার করা, ৫. চোখে সুরমা লাগানো, ৬. পবিত্র ও পরিষ্কার-পরিচ্ছন্ন পোশাক পরিধান করা, ৭. ফজর নামাযের পর যথাশীঘ্রই ঈদগাহে গমন করা, ৮. সামর্থ্যানুযায়ী উত্তম খাবারের ব্যবস্থা করা ও প্রতিবেশী ইয়াতীম-মিসকীন, গরীব-দুঃখীকে পানাহার করানো, ৯. ঈদগাহে যাওয়ার পূর্বে মিষ্টান্ন গ্রহণ করা, ১০. ঈদগাহে যাওয়ার পূর্বে সাদকায়ে ফিতর আদায় করা, ১১. ঈদগাহে একপথে যাওয়া অন্য পথে আসা, ১২. যথাসম্ভব পায়ে হেঁটে ঈদগাহে যাওয়া, ১৩. ঈদের নামায মসজিদে আদায় না করে ময়দানে বা ঈদগাহে আদায় করা, ১৪. ঈদগাহে যাবার পথে নিম্নস্বরে তাকবীরে তাশরীক পাঠ করা।^{১৩৬৮} ১৫. চুল, দাড়ি, গোঁফ

ঠিক করা, ১৬. নখ কাটা, ১৭. আংটি পরিধান করা, ১৮. নামাযে যাবার পূর্বে বেজোড় সংখ্যক খেজুর খাওয়া।

ঈদের নামাযের নিয়ম

শাওয়াল মাসের ১ তারিখ সূর্য ভালভাবে উদিত হওয়ার পর থেকে দ্বিপ্রহরের পূর্ব সময়ের মধ্যে অতিরিক্ত ছয় তাকবীরের সাথে জামাত সহকারে দুই রাকাত ওয়াজিব নামায আদায় করতে হয়। এ নামাযে আজান ও ইকামতের বিধান নেই। এই নামায ঈদগাহে আদায় করা উত্তম। যাদের উপর জুমা ফরয কেবল তাদের উপরে ঈদের নামায ওয়াজিব। জুমার নামাযে যে সব শর্ত রয়েছে ঈদের নামাযেও সেসব শর্ত রয়েছে তবে পার্থক্য হল জুমার খুত্বা শর্ত কিন্তু ঈদের খুত্বা সুন্নত। জুমার খুত্বা নামাযের পূর্বে আর ঈদের খুত্বা নামাযের পরে।

পূর্ব ঘোষিত নির্ধারিত সময়ে দাঁড়িয়ে কিবলামুখী হয়ে নিয়্যত করে তাকবীরে তাহরিমা আল্লাহু আকবর বলার সাথে সাথে কান পর্যন্ত হাত তুলে নাভির নীচে হাত বাঁধবে। তারপর ‘সানা’ তথা سُبْحَانَكَ اللَّهُمَّ وَبِحَمْدِكَ وَتَبَارَكَ اسْمُكَ وَتَعَالَى جَدُّكَ وَلَا إِلَهَ غَيْرُكَ পাঠ করবে। এরপর ইমাম উচ্চস্বরে পর পর তিনবার আল্লাহু আকবর বলে তাকবীর বলবেন। মুক্তাদীগণও ইমামের অনুসরণ করবে তবে তাকবীর মনে মনে বলবে। প্রথম দুই তাকবীরে হাত ছেড়ে দেবে আর তৃতীয় তাকবীরের পর হাত নাভির নীচে বাঁধবে। এরপর ইমাম উচ্চস্বরে সূরা ফাতিহা ও কিরাত পড়বেন আর মুক্তাদী চুপ থাকবে। অতঃপর রুকু সিজদা যথানিয়মে করে দাঁড়িয়ে ইমাম প্রথমে সূরা ফাতিহা ও কিরাত উচ্চস্বরে পড়ে আল্লাহু আকবর বলে তিনবার তাকবীর বলবেন রুকুতে যাওয়ার পূর্বে। প্রতিবার হাত ছেড়ে দেবে আর চতুর্থ তাকবীরে রুকুতে চলে যাবেন। অন্যান্য নামাযের ন্যায় বাকী কাজ সমাপ্ত করে সালাম ফিরায়ে নামায শেষ করবেন। এরপর মিশরে না বসে দাঁড়িয়ে প্রথম খুত্বা শেষে একটু বসে দ্বিতীয় খুত্বা আরম্ভ করবেন।

নিয়ত: نَوَيْتُ أَنْ أَصَلِّيَ لِلَّهِ تَعَالَى رَكْعَتَيْنِ صَلَاةَ الْعِيدِ الْفَطْرِ مَعَ سِتَّةِ تَكْبِيرَاتٍ وَاجِبَ اللَّهِ تَعَالَى
আল্লাহ তায়ালায় উদ্দেশ্যে আল্লাহু আকবর বলে তাকবীরের সাথে এই ইমামের পেছনে ইকতিদা করে আদায় করার নিয়্যত করছি- আল্লাহু আকবর।

ইমাম সাহেব إنا امام لمن حضر ومن يحضر هذا اقتديت এর স্থলে বর্তমান যারা উপস্থিত এবং পরে যারা উপস্থিত হয়ে নামাযে শরীক হবে তাদের সকলের ইমামতির নিয়্যত করছি। ঈদুল আযহার নামাযও অনুরূপ। শুধু عيد الفطر এর স্থলে عيد الاضحى বলবে। নিয়ত আরবীতে শুদ্ধ করে উচ্চারণ অক্ষম হলে বাংলায়ও করা যায়।

ছয় রোযা

শাওয়াল মাসে ঈদের দিন ব্যতীত ছয়টি রোযা রাখা সুন্নাত। পরিভাষায় এগুলোকে ছয় রোযা বলা হয়। এগুলি ধারাবাহিকভাবেও রাখা যায় কিংবা বিরতির সাথেও রাখা যায়। এ প্রসঙ্গে ইমাম মুসলিম, ইমাম আহমদ, আবু দাউদ, তিরমিযী, নাসাঈ, ইবনে মাজাহ, দারেমী, ইবনে আবি শায়বা ও বায়হাকী (র.) নিজ নিজ গ্রন্থে সিয়াম অধ্যায়ে হযরত আবু আইয়ুব আনসারী (রা.) থেকে বর্ণনা করেন, নবী করিম ﷺ এরশাদ করেন- رَمَضَانَ ثُمَّ اتَّبَعَهُ سِتًّا مِنْ شَوَّالٍ كَانَ كَصِيَامِ الدَّهْرِ - যে ব্যক্তি রমযানের রোযা পালনের পর শাওয়াল মাসের ছয়টি রোযা রাখবে সে যেন এক যুগ রোযা রাখল। অর্থাৎ এক যুগ রোযা রাখার সওয়াব পাবে।^{১৩৬৯}

শাওয়াল মাসে ছয় রোযা রাখলে পুরো এক বছরের রোযার সওয়াব দেওয়া হয়। কারণ আল্লাহ তায়ালা বলেছেন- مَنْ جَاءَ بِالْحَسَنَةِ فَلَهُ عَشْرُ أَثْمَالِهَا - যে ব্যক্তি একটি ভাল কাজ করবে, তার জন্য দশটি নেকী লেখা হবে। এই সূত্র মতে রমযানে একমাস রোযার সমান হয় তিনশত দিন আর শাওয়াল মাসের ছয়টি রোযার সমান হয় ষাট দিন। আর তিনশত ষাট দিনে হয় এক বছর। সুতরাং রমযানের রোযার পর শাওয়ালের ছয় রোযা রাখলে মোট এক বছরের রোযার সওয়াব প্রদান করা হয়। এ প্রসঙ্গে হযরত সওবান (রা.) নবী করিম ﷺ থেকে হাদিস বর্ণনা করেন, «صِيَامُ رَمَضَانَ بِعَشْرَةِ أَشْهُرٍ، وَصِيَامُ السَّنَةِ رَمَضَانَ بِعَشْرَةِ أَيَّامٍ بِشَهْرَيْنِ، فَذَلِكَ صِيَامُ السَّنَةِ» - রমযানের রোযা দশ মাসের সমান আর ছয় রোযা হলো দু'মাসের সমান। এভাবে এক বছরের রোযা হয়ে যায়।^{১৩৭০}

শাওয়াল মাসে রোযা রাখা ফরয নামাযের পর সুন্নাতে রাবেতার ন্যায়। কেননা রমযানের ফরয রোযার কোন ফ্রটি-বিচ্যুতি হয়ে থাকলে শাওয়াল মাসের নফল ছয় রোযার মাধ্যমে ক্ষতিপূরণ করা হবে। কিয়ামাত দিবসে আল্লাহ তায়ালা ফেরেশতাদেরকে বলবেন, আমার বান্দার ফরযের ফ্রটি-বিচ্যুতি নফল দ্বারা পূর্ণ করে দাও। তাছাড়া, রমযান মাসের রোযার পর শাওয়াল মাসে রোযা রাখা রমযান মাসের রোযা কবুল হওয়ার আলামত। কেননা আল্লাহ তায়ালা যখন বান্দার কোন আমল কবুল করেন তখন পরবর্তীতে তাকে আরো নেক আমল করার তাওফীক দান করেন। সুতরাং কোন নেক

১৩৬৯. ইবনে রজব হাম্বলী (র.) (৭৯৫হি.), লাতায়েফুল মাআরিফ, আরবী, পৃ:৩৫৮

১৩৭০. ইমাম আহমদ (র.) স্বীয় মসনদ, ৫/২৮০, ইমাম নাসাঈ (র.) নাসাঈ শরীফে, ২/১৬২, ইমাম ইবনে মাজাহ (র.) ইবনে মাজাহ শরীফ ১/৫৪৭, ইমাম দারেমী (র.) দারেমী শরীফ ২/২১, ইমাম ইবনে হিব্বান(র.) সহীহ গ্রন্থে ৫/২৪৮, ইমাম বায়হাকী (র.) বায়হাকী শরীফ ৪/৪৮৩ সূত্র : ইবনে রজব হাম্বলী (র.) (৭৯৫হি.) লাতাফেফুল মাআরিফ, আরবী, পৃ.৩৬১

আমলের পর অন্য কোন নেকআমল করা প্রথম আমল কবুল হওয়ার আলামত। পক্ষান্তরে কোন নেকআমলের পর যদি সে খারাপ আমল করে তবে পূর্বের আমল প্রত্যাখ্যান হওয়ার আলামত।^{১৩৭১} ইমাম শা'বী (র.) বলেন, لَنْ أَصُومَ يَوْمًا بَعْدَ رَمَضَانَ রমযানের পরে শাওয়াল মাসে একদিন রোযা রাখা আমার নিকট পূর্ণ একযুগ রোযা রাখার চেয়ে বেশী প্রিয়। ইবনে ওমর (রা.) থেকে দুর্বল সূত্রে মারফু হাদিসে বর্ণিত আছে যে—بَعْدَ الْفِطْرِ يَوْمًا فَكَأَنَّمَا صَامَ السَّنَةَ পর একদিন রোযা রাখা পূর্ণ একবছর রোযার সমান। ইবনে আব্বাস (রা.) থেকে দুর্বল সূত্রে মারফু হাদিসে বর্ণিত হয়েছে যে, الصَّائِمُ بَعْدَ رَمَضَانَ كَالْكَارِ بَعْدَ الْفَارِ রমযানের পরে রোযাদারের উদাহরণ হলো যুদ্ধের ময়দান থেকে পালিয়ে গিয়ে পুনরায় ফিরে আসা ব্যক্তির ন্যায়।^{১৩৭২}

পিতা-মাতার হক

পবিত্র ইসলামে সম্মান ও আনুগত্যের দিক দিয়ে পিতা-মাতাকে আল্লাহর পরে স্থান দেওয়া হয়েছে এবং আল্লাহর হক আদায়ের পর পিতা-মাতার হক আদায়ের নির্দেশ দেয়া হয়েছে। আল্লাহ তায়ালা বলেন—وَقَضَىٰ رَبُّكَ أَلَّا تَعْبُدُوا إِلَّا إِيَّاهُ وَبِالْوَالِدَيْنِ إِحْسَانًا إِمَّا يَبْلُغَنَّ আপনার عِنْدَكَ الْكِبَرَ أَحَدُهُمَا أَوْ كِلَاهُمَا فَلَا تَقُلْ لَهُمَا أَفٌ وَلَا تَنْهَرُهُمَا وَقُلْ لَهُمَا قَوْلًا كَرِيمًا প্রতিপালক আদেশ দিয়েছেন তিনি ব্যতীত অন্য কারো ইবাদত না করতে এবং পিতা-মাতার প্রতি সদ্ব্যবহার করতে। তাঁদের একজন বা উভয়েই তোমার জীবদ্দশায় বাধক্যে উপনীত হলে তাঁদেরকে ‘উফ’ বলোনা এবং তাঁদেরকে ধমক দিবে না, তাঁদের সাথে সম্মানসূচক কথা বলবে।^{১৩৭৩}

উক্ত আয়াতে একমাত্র আল্লাহরই ইবাদতের পাশাপাশি পিতা-মাতার সাথে সদ্ব্যবহারের কথা উল্লেখ করা হয়েছে। আল্লাহ তায়ালা অন্যত্র বলেন—وَوَصَّيْنَا الْإِنْسَانَ بِوَالِدَيْهِ حَمَلَتْهُ أُمُّهُ وَهْنًا عَلَىٰ وَهْنٍ وَفِصَالُهُ فِي عَامَيْنِ أَنِ اشْكُرْ لِي وَلِوَالِدَيْكَ إِلَيَّ الْمَصِيرُ ، وَإِنْ جَاهَدَاكَ عَلَىٰ أَنْ تُشْرِكَ بِي مَا لَيْسَ لَكَ بِهِ عِلْمٌ فَلَا تُطِعْهُمَا وَصَاحِبُهُمَا فِي الدُّنْيَا مَعْرُوفًا وَاتَّبِعْ سَبِيلَ مَنْ أَنَابَ إِلَيَّ আর আমি মানুষকে তার পিতা-মাতার সাথে সদ্ব্যবহারের জোর নির্দেশ দিয়েছি। তার মাতা তাকে কষ্টের পর কষ্ট করে গর্ভে ধারণ করেছে। তার দুধ ছাড়ানো

^{১৩৭১} ইবনে রজব হাম্বলী (র.) (৭৯৫ হি), লাভায়েফুল মাআরিফ, আরবী, পৃ-৩৬৩

^{১৩৭২} ইবনে রজব হাম্বলী (র.) (৭৯৫ হি), লাভায়েফুল মাআরিফ, আরবী, পৃ-৩৬৩

^{১৩৭৩} সূরা বনী ইসরাঈল, আয়াত-২৩

দু'বছর হয়। নির্দেশ দিয়েছি যে, আমার প্রতি ও তোমার পিতা-মাতার প্রতি কৃতজ্ঞ হও। অবশেষে আমারই নিকট ফিরে আসতে হবে। পিতা-মাতা যদি তোমাকে আমার সাথে এমন বিষয়কে শরীক স্থির করতে পীড়াপীড়ি করে, যার জ্ঞান তোমার নেই, তবে তুমি তাদের কথা মানবে না। আর দুনিয়াতে তাঁদের সাথে সদ্ভাবে সহ অবস্থান করবে। যে আমার অভিমুখী হয়, তার পথ অনুসরণ করবে।^{১৩৭৪}

উক্ত আয়াতে আল্লাহ নিজের প্রতি কৃতজ্ঞতা প্রকাশের সাথে পিতা-মাতার প্রতিও কৃতজ্ঞতা প্রকাশের সন্তানকে নির্দেশ দিয়েছেন। তবে তারা যদি সন্তানদেরকে আল্লাহর সাথে কাউকে শরীক করার নির্দেশ দেন তা কোন অবস্থাতেই মানা যাবে না বরং তা প্রত্যাখ্যান করা আবশ্যিক। কিন্তু সে ক্ষেত্রেও তাঁদের প্রতি বেআদবী ও অশালীনতা প্রদর্শন করা যাবে না। তাঁদের পক্ষ থেকে অন্যায়-যুলুম হলেও তা বরদাশত করে পাশ কাটিয়ে চলতে হবে। মোটকথা হলো দ্বীনের বিরুদ্ধে তাঁদের কথা মানা যাবে না, তবে পার্থিব কাজ-কর্ম যথা শারীরিক সেবা-যত্ন বা ধনসম্পদ ব্যয় ও অন্যান্য ক্ষেত্রে কার্পণ্য করা যাবে না।^{১৩৭৫} দ্বারা এটাই বুঝানো হয়েছে। আল্লাহ তায়ালা আরো বলেন-
وَاعْبُدُوا اللَّهَ وَلَا تُشْرِكُوا بِهِ شَيْئًا وَبِالْوَالِدَيْنِ إِحْسَانًا
তোমরা আল্লাহর উপসনা কর আর তাঁর সাথে অন্য কাউকে শরীক করোনা এবং পিতা-মাতার সাথে সদ্ব্যবহার কর।^{১৩৭৬} পিতা-মাতার প্রতি সদ্ব্যবহারকে নবী করিম ﷺ আল্লাহর প্রিয় আমলের দ্বিতীয় স্থানে বর্ণনা করেছেন। যেমন হাদিস শরীফে বর্ণিত আছে-
عَنْ ابْنِ مَسْعُودٍ قَالَ سَأَلْتُ النَّبِيَّ صَلَّى اللَّهُ عَلَيْهِ وَسَلَّمَ أَيُّ الْعَمَلِ أَحَبُّ إِلَى اللَّهِ تَعَالَى؟ قَالَ: "الصَّلَاةُ لَوْ قُتِلَ فِيهَا، ثُمَّ أُيِّي؟ قَالَ: "بِرُّ الْوَالِدَيْنِ" ثُمَّ أُيِّي؟ قَالَ: "الْجِهَادُ فِي سَبِيلِ اللَّهِ" (রা.) বলেন, আমি নবী করিম ﷺ কে জিজ্ঞাসা করলাম আল্লাহর কাছে কোন আমলটি উত্তম? তিনি বলেন, সময় মতো নামায আদায় করা। আমি বললাম এর পর কোনটি? তিনি বলেন, অতঃপর পিতা-মাতার প্রতি সদ্ব্যবহার করা। আমি বললাম, এরপর কোনটি? তিনি বলেন, আল্লাহর রাস্তায় জিহাদ করা।^{১৩৭৬}

পিতা-মাতার সন্তুষ্টিতে আল্লাহর সন্তুষ্টি নিহিত রয়েছে।

عَنْ عَبْدِ اللَّهِ بْنِ عَمْرٍو، عَنِ النَّبِيِّ صَلَّى اللَّهُ عَلَيْهِ وَسَلَّمَ قَالَ: رَضِيَ الرَّبُّ فِي رِضَى الْوَالِدِ،
হযরত আব্দুল্লাহ ইবনে আমর (রা.) থেকে বর্ণিত, তিনি

^{১৩৭৪} সূরা লোকমান, আয়াত. ১৪-১৫

^{১৩৭৫} সূরা নিসা, আয়াত-৩৬

^{১৩৭৬} বুখারী ও মুসলিম, সূত্র: মিশকাত শরীফ, পৃ-৫৮ ও ইমাম নববী (র.) (৬৭৬ হি) রিয়াদুস সালাহীন, পৃ-১৫৮, লেবনান

বলেন, রাসূল ﷺ এরশাদ করেন, পিতা-মাতার সম্বন্ধিতে আল্লাহর সন্তুষ্টি এবং পিতা-মাতার অসন্তুষ্টিতে আল্লাহর অসন্তুষ্টি নিহিত রয়েছে।^{১৩৭৭}

পিতা-মাতার সেবা ও সম্বন্ধিতে জান্নাত লাভে ধন্য হয়। হাদিস শরীফে বর্ণিত হয়েছে— عَنْ أَبِي هُرَيْرَةَ، عَنِ النَّبِيِّ صَلَّى اللَّهُ عَلَيْهِ وَسَلَّمَ قَالَ: «رَغِمَ أَنْفُهُ، رَغِمَ أَنْفُهُ، رَغِمَ أَنْفُهُ»، قَالُوا: يَا رَسُولَ اللَّهِ مَنْ؟ قَالَ: «مَنْ أْذَرَكَ وَالِدَيْهِ عِنْدَ الْكِبَرِ، أَوْ أَحَدَهُمَا، أَوْ كِلَاهُمَا ثُمَّ لَمْ يَدْخُلِ الْجَنَّةَ»^{১৩৭৮} হযরত আবু হোরায়রা (রা.) থেকে বর্ণিত, তিনি বলেন, রাসূল ﷺ এরশাদ করেন, ধুলায় অবলুষ্ঠিত হোক তার নাক, ধুলায় অবলুষ্ঠিত হোক তার নাক, ধুলায় অবলুষ্ঠিত হোক তার নাক। জিজ্ঞাসা করা হলো হে আল্লাহর রাসূল! কার নাক? তিনি বললেন, সেই ব্যক্তির যে তার পিতা-মাতার কোন একজনকে অথবা উভয়কে বাধক্য উপনীত অবস্থায় পেয়েছে। অতঃপর তাদের সেবা-যত্ন করে জান্নাতে প্রবেশ করতে পারবে না।^{১৩৭৮}

عَنْ أَبِي أُمَامَةَ، أَنَّ رَجُلًا قَالَ: يَا رَسُولَ اللَّهِ، مَا حَقُّ الْوَالِدَيْنِ عَلَيَّ وَلَدَهُمَا؟ قَالَ: «هُمَا جَنَّتُكَ»^{১৩৭৯} হযরত আবু উমামা (রা.) থেকে বর্ণিত, জনৈক ব্যক্তি রাসূল ﷺ কে জিজ্ঞাসা করল যে, সন্তানের উপর পিতা-মাতার হক কি? উত্তরে তিনি বললেন, তাঁরা তোমার জন্য জান্নাত ও জাহান্নাম।^{১৩৭৯} অর্থাৎ পিতা-মাতার খেদমত করে তাঁদেরকে সন্তুষ্ট করতে পারলে সন্তানের জন্য জান্নাত নিশ্চিত যদি সন্তান মু'মিন হয়। পক্ষান্তরে তাঁদের মনে কষ্ট দিলে কিংবা তাঁরা অসন্তুষ্ট হলে সন্তানের জন্য জাহান্নাম নিশ্চিত। মায়ের পদতলে সন্তানের বেহেশত। হাদিস শরীফে আছে—

أَنَّ جَاهِمَةَ، جَاءَ إِلَى النَّبِيِّ صَلَّى اللَّهُ عَلَيْهِ وَسَلَّمَ فَقَالَ: يَا رَسُولَ اللَّهِ أَرَدْتُ أَنْ أَعْزُوَ وَقَدْ جُنْتُ أَسْتَشِيرُكَ فَقَالَ: «هَلْ لَكَ مِنْ أُمٍّ؟» قَالَ: نَعَمْ قَالَ: «فَالْزَمِهَا فَإِنَّ الْجَنَّةَ عِنْدَ رِجْلَيْهَا»^{১৩৮০} জাহিমা নামক এক ব্যক্তি নবী করিম ﷺ এর খেদমতে উপস্থিত হয়ে বলল, হে আল্লাহর রাসূল! আমি যুদ্ধ করার ইচ্ছা পোষণ করেছি এবং আপনার পরামর্শের জন্য আপনার নিকট এসেছি। নবী করিম ﷺ বললেন, তোমার মাতা কি জীবিত আছেন? সে বলল, হ্যাঁ, জীবিত আছেন। তখন তিনি বললেন, তাহলে তুমি তার সেবা কর, কেননা মায়ের পায়ের নিকট হলো জান্নাত।^{১৩৮০} হযরত আনাস (রা.) থেকে বর্ণিত আছে—

«الْجَنَّةُ تَحْتَ الْجَنَّةِ تُحْتَ»^{১৩৮১} জান্নাত জননীর পদতলে।^{১৩৮১}

^{১৩৭৭} ইমাম তিরমিযী (র.) (২৭৯ হি), তিরমিযী শরীফ, সূত্র: মিশকাত শরীফ, পৃ-৪১৯

^{১৩৭৮} ইমাম মুসলিম (র.) (২৬১ হি), সহীহ মুসলিম শরীফ, সূত্র: মিশকাত শরীফ, পৃ-৪১৮

^{১৩৭৯} ইমাম ইবনু মাজাহ (র.) (২৭৩ হি), ইবনে মাজাহ শরীফ, সূত্র: মিশকাত শরীফ, পৃ-৪২১

^{১৩৮০} ইমাম আহমদ (র.) (২৪১ হি) ইমাম নাসাঈ (র.) (৩০৩ হি), ইমাম বায়হাকী (র.) (৪৫৮ হি),

সূত্র: মিশকাত শরীফ, পৃ-৪২১

^{১৩৮১} হাশিয়ায় মিশকাত, পৃ-৪২১, হাশিয়া নং-৪

عَنِ ابْنِ عَبَّاسٍ، قَالَ: قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ: " مَنْ أَصْبَحَ مُطِيعًا فِي وَالِدَيْهِ أَصْبَحَ لَهُ بَابَانِ مَفْتُوحَانِ مِنَ الْجَنَّةِ، وَإِنْ كَانَ وَاحِدًا فَوَاحِدًا، وَمَنْ أَمْسَى عَاصِيًا لِلَّهِ فِي وَالِدَيْهِ أَصْبَحَ لَهُ بَابَانِ مَفْتُوحَانِ مِنَ النَّارِ، وَإِنْ كَانَ وَاحِدًا فَوَاحِدًا " قَالَ الرَّجُلُ: وَإِنْ ظَلَمَاهُ؟ قَالَ: " وَإِنْ ظَلَمَاهُ هَيَّرَتِ إِبْنَهُ آكَوَّاسُ (রা.) থেকে বর্ণিত, তিনি বলেন, রাসূল ﷺ এরশাদ করেন, যে ব্যক্তি পিতা-মাতার ব্যাপারে আল্লাহর অনুগত হয়, তার জন্য জান্নাতের দু'টি দরজা উন্মুক্ত হবে, আর একজন হলে একটি দরজা উন্মুক্ত হবে। পক্ষান্তরে যে ব্যক্তি পিতা-মাতার ব্যাপারে আল্লাহর অবাধ্য হয়, তার জন্য জাহান্নামের দু'টি দরজা উন্মুক্ত হবে আর একজন হলে একটি দরজা উন্মুক্ত হবে। একজন সাহাবী আরয করল, পিতা-মাতা যদি সম্মানের উপর যুলুম করে? উত্তরে তিনি বললেন, তাঁরা তার উপর যুলুম করলেও তাদের বাধ্য থাকতে হবে এবং অবাধ্য হলে জাহান্নামে যেতে হবে। কথাটি তিনি তাকীদের উদ্দেশ্যে তিনবার বলেছিলেন।^{১৩৮২}

عَنْ عَائِشَةَ، قَالَتْ قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ قَالَ: " دَخَلْتُ الْجَنَّةَ فَسَمِعْتُ فِيهَا قِرَاءَةً، قُلْتُ: مَنْ هَذَا؟ " فَقَالُوا: حَارِثَةُ بْنُ التُّعْمَانِ كَذَلِكُمْ الْبِرُّ، كَذَلِكُمْ الْبِرُّ وَكَانَ ابْرَ النَّاسِ بِأَمِّهِ هَيَّرَتِ آيَةَشَا (রা.) থেকে বর্ণিত, তিনি বলেন, রাসূল ﷺ এরশাদ করেন, আমি বেহেশতে প্রবেশ করলাম এবং তথায় কুরআন পাঠ শুনতে পেলাম। তখন আমি জিজ্ঞাসা করলাম, এ ব্যক্তি কে? ফেরেশতাগণ বললেন, হারিসা ইবনে নুমান (রা.) পুণ্যের প্রতিফল এরূপই, পুণ্যের প্রতিফল এরূপই। সে ছিল সকল মানুষের তুলনায় নিজের মায়ের সাথে সর্বাদিক সদাচরণকারী।^{১৩৮৩}

পিতা-মাতা অমুসলিম হলেও তাদের সাথে জাগতিক ব্যাপারে সৌজন্যমূলক আচরণ করা ওয়াযিব। হাদিস শরীফে হযরত আসমা বিনতে আবু বকর (রা.) থেকে বর্ণিত আছে, তিনি বলেন— قَدِمْتُ عَلَى أُمِّي وَهِيَ مُشْرِكَةٌ فِي عَهْدِ فُرَيْشٍ، يَا رَسُولَ اللَّهِ صَلَّى اللَّهُ — কুরাইশদের সাথে «نَعْمَ صَليهَا» চুক্তিকালীন অর্থাৎ হোদাইবিয়ার সন্ধির সময় আমার মা আমার কাছে মুশরিক অবস্থায় (মদীনায়) আগমন করলেন। তখন আমি রাসূল ﷺ এর কাছে জিজ্ঞাসা করলাম— হে আল্লাহর রাসূল! আমার মা আমার কাছে এসেছেন অথচ তিনি ইসলামের প্রতি অনাগ্রহী।

১৩৮২. ইমাম বায়হাকী (র.) (৪৫৮ হি) বায়হাকী শরীফ, সূত্র: মিশকাত শরীফ, পৃ-৪২১

১৩৮৩. শরহুস সুন্নাহ গ্রন্থকার শরহুস সুন্নাহ গ্রন্থে এবং ইমাম বায়হাকী (র.) (৪৫৮ হি), শোয়াবুল ইমান গ্রন্থে বর্ণনা করেছেন। সূত্র: মিশকাত শরীফ, পৃ-৪১৯

এমতাবস্থায় আমি কি তাঁর সাথে সদাচরণ করব? তিনি বললেন, হ্যাঁ, তুমি তাঁর সাথে সদাচরণ কর।^{১৩৮৪}

পিতা-মাতার আদেশে অবাধ্য স্ত্রীকে তালাক প্রদান বৈধ। হযরত আব্দুল্লাহ ইবনে ওমর (রা.) থেকে বর্ণিত, তিনি বলেন— **كَانَتْ تَخْتِي امْرَأَةً كُنْتُ أُحِبُّهَا، وَكَانَ أَبِي يَكْرَهُهَا، فَقَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ، فَابْتَيْتُ فَذَكَرْتُ ذَلِكَ عُمَرُ لِرَسُولِ اللَّهِ صَلَّى اللَّهُ عَلَيْهِ وَسَلَّمَ، فَقَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ: «يَا عَبْدَ اللَّهِ، طَلَّقْهَا»** ভালবাসতাম। অথচ (আমার পিতা) হযরত ওমর (রা.) তাকে অপছন্দ করতেন। তিনি আমাকে বললেন, তুমি তাকে তালাক দাও। কিন্তু তা আমি অস্বীকার করলাম। অতঃপর হযরত ওমর (রা.) রাসূল ﷺ এর নিকট গেলেন এবং ব্যাপারটি তাঁর নিকট বর্ণনা করলেন। রাসূল ﷺ আমাকে বললেন, তুমি তাকে তালাক দিয়ে দাও।^{১৩৮৫}

عَنْ أَبِي الدَّرْدَاءِ، أَنَّ رَجُلًا أَتَاهُ فَقَالَ: إِنَّ لِي امْرَأَةً وَإِنَّ أُمِّي تَأْمُرُنِي بِطَلْقِهَا، قَالَ أَبُو الدَّرْدَاءِ: سَمِعْتُ رَسُولَ اللَّهِ صَلَّى اللَّهُ عَلَيْهِ وَسَلَّمَ يَقُولُ: «الْوَالِدُ أَوْسَطُ أَبْوَابِ الْجَنَّةِ، فَإِنْ شَتَّتَ فَحَافِظُ ضَيْعٍ হযরত আবু দারদা (রা.) থেকে বর্ণিত, এক ব্যক্তি তার কাছে এসে বলল, আমার একজন স্ত্রী আছে। আমার মা তাকে তালাক দিতে আদেশ করেন। (এখন আমি কি করব?) তখন হযরত আবু দারদা (রা.) তাকে বললেন, আমি রাসূল ﷺ কে বলতে শুনেছি, তিনি বলেছেন, পিতা হলেন বেহেশতের দরজাসমূহের মধ্যবর্তী (উত্তম) দরজা। যদি চাও তবে দরজাটিকে সংরক্ষণ কর (সম্ভ্রষ্ট কর) অথবা ভেঙ্গে ফেল।^{১৩৮৬}

শরয়ী বিধান

পিতা-মাতা যদি পুত্রবধুর মধ্যে দ্বীনের কোন মৌলিক ঘাটতি কিংবা কোন ফরয-ওয়াজিব বিধানের লঙ্ঘন দেখতে পান এবং তাকে বার বার বুঝানোর পরও সে শরয়ী বিধানে ফিরে না আসে, তখন পিতা-মাতার নির্দেশে পুত্র কর্তৃক স্ত্রীকে তালাক দেওয়া বৈধ। তবে পিতামাতা ব্যক্তিগত কারণে তালাক দিতে বললে তা মানা যাবে না। কারণ পিতা-মাতার আদেশ শরীয়ত সম্মত ব্যাপারে পালনীয় গুনাহের ব্যাপারে পালনীয় নয় বরং বর্জনীয়। যেমন হাদিস শরীফে আছে— **طَاعَةُ لِمَخْلُوقٍ فِي مَعْصِيَةِ الْخَالِقِ**

^{১৩৮৪} ইমাম বুখারী ও মুসলিম, বুখারী ও মুসলিম শরীফ, সূত্র: মিশকাত শরীফ, পৃ-৪১৮

^{১৩৮৫} ইমাম তিরমিযী (র.) (২৭৯ হি) ও আবু দাউদ (র.) (২৭৫ হি), সূত্র: মিশকাত শরীফ, পৃ-৪২১

^{১৩৮৬} ইমাম তিরমিযী (র.) (২৭৯ হি) তিরমিযী শরীফ ও ইমাম ইবনে মাজাহ (র.) (২৭৩ হি) ইবনে মাজাহ শরীফ, সূত্র: মিশকাত শরীফ, পৃ-৪১৯

অবাধ্য কোন সৃষ্টির অনুগত করা যাবে না। পিতা-মাতার অবাধ্য হওয়া, তাদেরকে গালি দেওয়া কিংবা গালির উপলক্ষ হওয়া এবং তাদের মনে কষ্ট দেওয়া সম্পূর্ণ হারাম ও কবীরা গুনাহ। এ ব্যাপারে আল্লাহ বলেন-
 «وَلَا تَنْهَرُهُمَا»^{১৩৮৭} তাদের মনে ব্যাথা পেয়ে 'উফ' বলার মত আচরণ করিও না এবং তাদেরকে ধমক দিওনা।

এরশাদ করেন-
 «أَلَا أُتَبِّحُكُمْ بِأَكْبَرِ الْكِبَائِرِ؟» ثَلَاثًا «إِلَّا شِرَاكَ بِاللَّهِ، وَعُقُوقَ الْوَالِدَيْنِ، وَشَهَادَةَ»
 «- أَوْ قَوْلَ الزُّورِ -» আমি কি তোমাদেরকে সর্বোচ্চ গুনাহ সম্পর্কে অবহিত করব,

তা হলো আল্লাহর সাথে শরীক করা, পিতা-মাতার অবাধ্য হওয়া এবং মিথ্যা সাক্ষ্য দেওয়া বা মিথ্যা কথা বলা।^{১৩৮৮} হযরত মুগীরা (রা.) থেকে বর্ণিত, قَالَ رَسُولُ اللَّهِ صَلَّى

عَلَيْهِ وَسَلَّمَ رَسُولُ اللَّهِ صَلَّى اللَّهُ عَلَيْهِ وَسَلَّمَ^{১৩৮৯} এরশাদ করেন, আল্লাহ তায়ালা তোমাদের উপর মায়ের অবাধ্যতাকে হারাম করেছেন।^{১৩৯০} হযরত আব্দুল্লাহ

ইবনে আমর (রা.) থেকে বর্ণিত, তিনি বলেন- «مَنْ»
 الْكِبَائِرِ شَتَمَ الرَّجُلَ وَالِدَيْهِ قَالُوا: يَا رَسُولَ اللَّهِ، وَهَلْ يَشْتِمُ الرَّجُلُ وَالِدَيْهِ؟ قَالَ: «نَعَمْ يَسُبُّ أَبَا

رَسُولُ اللَّهِ الرَّجُلُ فَيَسُبُّ أَبَاهُ، وَيَسُبُّ أُمَّهُ فَيَسُبُّ أُمَّهُ» এরশাদ করেন, সন্তান কর্তৃক নিজের পিতা-মাতাকে গালি দেওয়া কবীরা গুনাহের অন্তর্ভুক্ত। সাহাবীগণ আরয করলেন, হে

আল্লাহর রাসূল! কেউ কি নিজের পিতা-মাতাকে গালি দেয়? তিনি বললেন, হ্যাঁ। সে কোন ব্যক্তির পিতাকে গালি দেয়, ফলে ঐ লোকও তার পিতাকে গালি দেয় এবং সে কোন ব্যক্তির মাকে গালি দেয়, ফলে সেও পাল্টা তার মাকে গালি দেয়।^{১৩৯০}

হযরত আব্দুল্লাহ ইবনে আমর (রা.) থেকে বর্ণিত, তিনি বলেন, রাসূল^{১৩৯১} এরশাদ করেন-

«لَا يَدْخُلُ الْجَنَّةَ مَنَّا، وَلَا عَاقٌ وَلَا مُذْمَنٌ خَمِرٍ» উপকার করে খোঁটাদানকারী, পিতা-মাতার অবাধ্য সন্তান ও সর্বদা মদ্যপানকারী জান্নাতে প্রবেশ করবে না।^{১৩৯২} হযরত আবু

বুকায়া (রা.) হতে বর্ণিত, তিনি বলেন, রাসূল^{১৩৯৩} এরশাদ করেন-
 «كُلُّ الذُّنُوبِ يَغْفِرُ اللَّهُ - إِلَّا عُقُوقَ الْوَالِدَيْنِ، يَجْعَلُهُ اللَّهُ لِصَاحِبِهِ فِي الْحَيَاةِ قَبْلَ الْمَمَاتِ»

পিতা-মাতার অবাধ্যতার গুনাহ ব্যতীত পাপ আল্লাহ তায়ালা যতটুকু ইচ্ছা ক্ষমা করেন।

^{১৩৮৭} সূরা বনী ইসরাঈল, আয়াত-২৩

^{১৩৮৮} ইমাম মুসলিম (র.) (২৬১ হি) সহীহ মুসলিম, খণ্ড-১, হাদিস নং-১৬৭

^{১৩৮৯} বুখারী ও মুসলিম, সূত্র: মিশকাত শরীফ, পৃ-৪১৯

^{১৩৯০} ইমাম বুখারী ও মুসলিম, বুখারী ও মুসলিম শরীফ, সূত্র: মিশকাত শরীফ, পৃ-৪১৯

^{১৩৯১} ইমাম নাসাই ও দারেমী, সূত্র: মিশকাত শরীফ, পৃ-৪২০

অধিকন্তু তিনি অবাধ্য ব্যক্তিকে তার জীবদ্দশায় মৃত্যুর পূর্বেই দ্রুত শাস্তি প্রদান করেন।^{১৩৯২}

পিতা-মাতার প্রতি দয়া ও অনুগ্রহের দৃষ্টিতে থাকালেও মকবুল হজ্বের সওয়াব প্রাপ্ত হয়। হযরত আব্বাস (রা.) থেকে বর্ণিত, রাসূল ﷺ এরশাদ করেন- **مَا مِنْ وَلَدٍ بَارٍ يَنْظُرُ** - **نُظْرَةَ رَحْمَةٍ إِلَّا كَتَبَ اللَّهُ بِكُلِّ نُظْرَةٍ حَجَّةً مَبْرُورَةً**, **قَالُوا: "وَإِنْ نَظَرَ كُلَّ يَوْمٍ مِائَةَ مَرَّةٍ؟ قَالَ: "** **النَّظَرُ** - **إِلَى الْوَالِدِ عِبَادَةً، وَالنَّظَرُ إِلَى الْكَعْبَةِ عِبَادَةً، وَالنَّظَرُ إِلَى أَخِيكَ حُبًّا لَهُ** **إِلَى الْوَالِدِ عِبَادَةً** পিতার দিকে দেখা ইবাদত, কাবার দিকে দৃষ্টিপাত করা ইবাদত, কুরআনের প্রতি দৃষ্টি দেওয়া ইবাদত এবং নিজের ভাইয়ের দিকে আল্লাহর উদ্দেশ্যে ভালবাসার নজরে দেখা ইবাদত।^{১৩৯৪} পিতা-মাতার সাথে সদ্যবহারের আরো একটি উত্তমপন্থা হচ্ছে- তাঁদের জীবদ্দশায় ও ইন্তেকালের পর তাঁদের আত্মীয়-স্বজন ও বন্ধু-বান্ধবের সাথে সদাচরণ করা ও সুসম্পর্ক বজায় রাখা। হযরত আবু উসাইদ সায়েদী (রা.) হতে বর্ণিত, তিনি বলেন, একদিন আমরা রাসূল ﷺ'র সামনে বসা ছিলাম। এমন সময় বনু সালমা গোত্রের একজন লোক তাঁর কাছে এসে বলল, হে আল্লাহর রাসূল! আমার পিতা-মাতার মৃত্যুর পর তাঁদের সাথে সদ্যবহার করার কোন উপায় আছে? তিনি বললেন, হ্যাঁ, আছে, তা হলো- **الصَّلَاةُ عَلَيْهِمَا، وَالِاسْتِغْفَارُ لَهُمَا، وَإِنْفَاذُ عَهْدِهِمَا مِنْ بَعْدِهِمَا، وَصِلَةُ الرَّحِمِ** তাদের জন্য দোয়া করা, তাদের মাগফিরাত কামনা করা, তাদের মৃত্যুর পর তাদের কৃত অঙ্গীকার পূর্ণ করা, পিতা-মাতার মাধ্যমে স্থাপিত সম্পর্কের আত্মীয়-স্বজনের সাথে সদ্যবহার করা এবং তাদের বন্ধু-বান্ধবের প্রতি সম্মান প্রদর্শন করা।^{১৩৯৫}

^{১৩৯২} ইমাম বায়হাকী (র.) (৪৫৮ হি), শোয়াবুল ঈমান, সূত্র: মিশকাত শরীফ, পৃ-৪২১

^{১৩৯৩} ইমাম বায়হাকী (র.) (৪৫৮ হি), শোয়াবুল ঈমান, সূত্র: মিশকাত শরীফ, পৃ-৪২১

^{১৩৯৪} ইমাম বায়হাকী (র.) (৪৫৮ হি), শোয়াবুল ঈমান, খণ্ড-১০, পৃ-২৬৭

^{১৩৯৫} ইমাম আবু দাউদ ও ইবনে মাজাহ (র.), সূত্র: মিশকাত শরীফ, পৃ-৪২০

عَنْ ابْنِ عُمَرَ أَنَّ رَجُلًا أَتَى النَّبِيَّ ﷺ فَقَالَ يَا رَسُولَ اللَّهِ، إِنِّي أَصَبْتُ ذَنْبًا عَظِيمًا، فَهَلْ لِي مِنْ تَوْبَةٍ؟ قَالَ: «هَلْ لَكَ مِنْ خَالَةٍ؟» قَالَ: لَا. قَالَ: «هَلْ لَكَ مِنْ خَالَةٍ؟» قَالَ: نَعَمْ. قَالَ: فَبَرِّهَا "

হযরত ইবনে ওমর (রা.) হতে বর্ণিত, এক ব্যক্তি নবী করিম ﷺ এর দরবারে উপস্থিত হয়ে আরয করল, হে আল্লাহর রাসূল! আমি একটি জঘন্য পাপ করেছি, আমার জন্য তাওবার কোন সুযোগ আছে কিনা? তিনি বললেন, তোমার কি মা আছে, লোকটি বলল না। তিনি বললেন তোমার কি কোন খালা আছে? সে বলল হ্যাঁ আছে। তিনি বললেন তবে তুমি তার সাথে সদাচরণ কর।^{১৩৯৬} আত্মীয়তার সম্পর্ক বজায় রাখা একটি উত্তম নেক আমল। নেক আমলের দ্বারা সগীরা গুনাহ মাফ হয়ে যায়। যেমন আল্লাহ বলেন—إِنَّ الْحَسَنَاتِ يُذْهِبْنَ السَّيِّئَاتِ 'নিশ্চয়ই ভাল কাজ পাপকে দূরীভূত করে।' কিন্তু লোকটির বর্ণনা দ্বারা বুঝা যায় পাপটি বড় তথা কবীরা গুনাহ ছিল। কবীরা গুনাহ তাওবা ব্যতীত মাফ হয় না। এক্ষেত্রে বলা হবে, লোকটি সবার সামনে পাপ স্বীকার করা এক প্রকারের তাওবা। এতে তার অনুতপ্ত প্রকাশ পেয়েছে। التوبة هو الندم অনুতপ্ত হওয়াই তাওবা। সুতরাং এর দ্বারা কবীরা গুনাহ মাফ হয়ে যায়। অথবা গুনাহটি কবীরা বা বড় গুনাহ ছিলনা কিন্তু সাহাবায়ে কিরাম ছোট গুনাহকেও বড় গুনাহ মনে করতেন। এটি তাঁদের অধিক তাকওয়ার বহিঃপ্রকাশ। তাই লোকটি এটাকে বড় গুনাহ ভেবেছেন।

পিতা-মাতার খেদমতের উসিলায় বিপদ মুক্ত হয়

হযরত ইবনে ওমর (রা.) হতে বর্ণিত, তিনি নবী করিম ﷺ থেকে বর্ণনা করেন, তিনি বলেন, তোমাদের পূর্ববর্তী যুগের লোকদের মধ্যে তিনজন লোক একদিন পথ চলছিল। হঠাৎ তাদেরকে বৃষ্টি পেল। যার কারণে তারা এক পর্বত গুহায় আশ্রয় নিল। এসময় হঠাৎ পর্বত হতে একটি বিশাল পাথর তাদের গুহার মুখে পতিত হল এবং পাথরটি তাদের বের হবার পথ বন্ধ করে দিল। তখন তাদের একজন অপরজনকে বলল, তোমরা চিন্তা করে তোমাদের কোন নেক আমল বের কর, যা তোমরা আল্লাহর সন্তুষ্টির উদ্দেশ্যে করেছ। সে নেক আমলকে উসীলা করে আল্লাহর কাছে দোয়া কর। হতে পারে তিনি পাথরটি দূর করে দেবেন। তখন তাদের একজন বলল, হে আল্লাহ! আমার অতিবৃদ্ধ পিতা-মাতা ছিলেন এবং আমার কয়েকজন ছোট বাচ্চা ছিল। আমি তাদের জন্য মেষ চরাতাম। সন্ধ্যায় ফিরে আসার সময় তাদের জন্য দুধ দোহন করে আনতাম। আমার সন্তানদের আগে আমার পিতা-মাতাকে দুধপান করাতাম। ঘটনাক্রমে একদিন চারণবৃক্ষ আমাকে দূরে নিয়ে গেল। (মেঘ চরাতে চরাতে অনেক দূরে চলে গেলাম) যার

কারণে সন্ধ্যা পর্যন্ত ঘরে ফিরতে পারলাম না। বাড়িতে এসে পিতা-মাতাকে ঘুমন্ত অবস্থায় পেলাম। তারপর যেভাবে প্রতিদিন দুধ দোহন করতাম, সেভাবে আজো দুধ দোহন করলাম। দুধের পাত্র নিয়ে তাঁদের মাথার সামনে দাঁড়িয়ে রইলাম। তাঁদেরকে ঘুম থেকে জাগানো অপছন্দ করলাম। আর বাচ্চাদেরকেও তাদের আগে দুধপান করানো ভাল মনে করলাম না। অথচ বাচ্চাগুলো ক্ষুধায় আমার দু'পায়ের কাছে কাঁদছিল। এটিই ছিল সারারাত আমার ও তাদের কাজ। অর্থাৎ বাচ্চারা সারা রাত কেঁদেছিল কিন্তু তাদেরকে দুধ দেইনি। এভাবে সকাল হলো। হে আল্লাহ আপনি জানেন যে, একাজটি কেবল আপনার সন্তুষ্টির আশায় করেছি। সুতরাং আমাদের জন্য এতটুকু পাথর সরিয়ে দিন যেন আমরা আকাশ দেখতে পাই। তখন আল্লাহ তায়ালা পাথরটি সামান্য সরিয়ে দিলেন, যাতে তারা আকাশ দেখতে পায়।^{১৩৯৭} পিতা-মাতার সাথে সদাচরণ করলে সন্তানের আয়ু ও রিযিক বৃদ্ধি পায়। হযরত আনাস (রা.) থেকে বর্ণিত, তিনি বলেন, রাসূল ﷺ এরশাদ করেন—وَلْيَصِلْ فِي رِزْقِهِ، فَلْيَسِّرْ وَلَدَيْهِ، وَلْيَصِلْ مَنْ أَحَبَّ أَنْ يُمَدَّ اللَّهُ فِي عُمْرِهِ، فِي رِزْقِهِ، فَلْيَسِّرْ وَلَدَيْهِ، وَلْيَصِلْ مَنْ أَحَبَّ أَنْ يُمَدَّ اللَّهُ فِي عُمْرِهِ، فِي رِزْقِهِ, যে ব্যক্তি নিজের আয়ু ও রিযিক বৃদ্ধি করতে চায়, সে যেন তার পিতা-মাতা ও আত্মীয়-স্বজনের সাথে সদাচরণ করে।^{১৩৯৮}

সদাচরণের জন্য পিতার চেয়ে মাতা অগ্রগণ্য

হযরত আবু হোরায়ারা (রা.) হতে বর্ণিত, তিনি বলেন, জৈনৈক ব্যক্তি বলল, হে
আল্লাহর রাসূল! «أَمْكُ، ثُمَّ أَمْكُ، ثُمَّ أَمْكُ، ثُمَّ أَمْكُ، ثُمَّ أَمْكُ، ثُمَّ أَمْكُ» قَالَ: مَنْ أَحَقُّ النَّاسِ بِحُسْنِ الصُّحْبَةِ؟ قَالَ: «أَمْكُ، ثُمَّ أَمْكُ، ثُمَّ أَمْكُ، ثُمَّ أَمْكُ، ثُمَّ أَمْكُ، ثُمَّ أَمْكُ»
আমার সাহচর্যের সর্বাপেক্ষা অধিকারী কে? উত্তরে তিনি বললেন, তোমার
মা। লোকটি বলল এরপর কে? তিনি বললেন তোমার মা। লোকটি বলল তারপর কে?
তিনি বললেন, তোমার মা। লোকটি বলল, তারপর কে? তিনি বললেন তোমার পিতা।
অন্য বর্ণনায় আছে— তিনি বললেন, তোমার মা। অতঃপর তোমার মা। অতঃপর
তোমার মা। অতঃপর তোমার মা। অতঃপর তোমার পিতা। এরপর তোমার নিকটতম
আত্মীয়-স্বজন, নিকটতম আত্মীয়-স্বজন।^{৩৯৯}

হাদিসে রাসূল ﷺ গর্ভধারিণী স্নেহময়ী মায়ের কতগুলো বিশেষত্বের কারণে পিতার উপর তাঁর হককে প্রাধান্য দিয়েছেন। যেমন- ১. মা কষ্ট করে ১০ মাস যাবৎ গর্ভধারণ করেন। যেমন আল্লাহ বলেন, حَمَلَتْهُ أُمُّهُ كُرْهًا ২. অনেক ঝুঁকি নিয়ে অতীব কষ্ট স্বীকার

^{১৩৯৭} . ইমাম বুখারী ও মুসলিম, সহীহ বুখারী ও মুসলিম শরীফ, সূত্র: মিশকাত শরীফ, পৃ-৪২০

১৩৯৮. ইমাম বায়হাকী (র.) (৪৫৮ হি), শোয়াবুল ইমান, খণ্ড-১০, পৃ-২৬৪

১৩৯৯. ইমাম বুখারী ও মুসলিম (র.), সূত্র: মিশকাত শরীফ, পৃ: ৪১৮

করে সন্তান প্রসব করেন। আল্লাহ বলেন, وَوَضَعْنَهُ كُرْهًا ৩. দীর্ঘ দু'বছর যাবৎ সন্তানকে দুধপান করান। যেমন আল্লাহ বলেন- ৪. وَالْوَالِدَاتُ يُرْضِعْنَ أَوْلَادَهُنَّ حَوْلَيْنِ كَامِلَيْنِ লালন-পালনকালে বিভিন্ন অবর্ণনীয় কষ্ট স্বীকার করেন ও আরাম বর্জন করেন।

পিতা-মাতার জীবদ্দশায় ও ইন্তেকালের পরে তাঁদের জন্য দোয়া করা সন্তানের কর্তব্য এবং এটিও খেদমতের অন্তর্ভুক্ত। আল্লাহ তায়ালা বলেন- وَاخْفِضْ لَهُمَا جَنَاحَ الذَّلِّ তাদের সামনে ভালবাসার সাথে, নম্রভাবে মাথা নত করে দাও এবং দোয়া কর -হে পালনকর্তা! তাদের প্রতি দয়া করুন। যেমন তাঁরা আমাকে শৈশবকালে (দয়ার সাথে) লালন-পালন করেছেন।^{১৪০০}

হযরত আবু বকর (রা.) থেকে বর্ণিত আছে, তিনি বলেন- «مَنْ زَارَ قَبْرَ أَبِيهِ أَوْ» যে ব্যক্তি প্রতি জুমার দিন নিজের পিতা-মাতার অথবা যে কোন একজনের কবর যিয়ারত করে এবং সেখানে সূরা ইয়াসীন পাঠ করে, তাহলে তাকে ক্ষমা করে দেওয়া হয়।^{১৪০১} হযরত ইবনে ওমর (রা.) থেকে বর্ণিত من زار قبر والده او احدهما احتساباً كان كعدل حجة مبرورة ومن كان زواراً لهما زارت الملائكة যে ব্যক্তি স্বীয় পিতা-মাতার কিংবা কোন একজনের কবর যিয়ারত করে সাওয়াবের নিয়তে, তাহলে সে একটি মকবুল হজ্জের সাওয়াব প্রাপ্ত হবে। আর যে ব্যক্তি নিজের পিতা-মাতার কবর যিয়ারত করে ফেরেশ্তারা তার কবর যিয়ারত করবে।^{১৪০২} হযরত আব্দুল্লাহ ইবনে ওমর (রা.)'র সাথে পথে একজন গ্রাম্য ব্যক্তির সাক্ষাত হলো। তিনি তাকে সালাম করলেন এবং যে গাধার উপর তিনি আরোহণ করেছিলেন, তিনি তাকে সেটির উপর আরোহণ করালেন আর নিজের মাথার পাগড়ী খুলে তাকে দিয়ে দিলেন। ইবনে দীনার বলেন- আমি তাকে বললাম, আল্লাহ আপনাকে উত্তম প্রতিদান দান করুন। ইনি একজন সাধারণ গ্রাম্য লোক। সামান্য কিছুতেই সন্তুষ্ট হয়ে যেতো। তখন হযরত ইবনে ওমর (রা.) বললেন- ইনি হলেন আমার পিতা ওমর (রা.)'র বন্ধু। আমি রাসূল ﷺ কে বলতে শুনেছি, তিনি বলেছেন- «إِنَّ الْبِرَّ صَلََةُ الْوَالِدِ أَهْلٌ وَدُّ أَبِيهِ» সর্বোত্তম নেকী হলো কোন সন্তান নিজের পিতার বন্ধু-বান্ধবের সাথে সদাচরণ করা।^{১৪০৩}

^{১৪০০}. সূরা বনী ইস্রাঈল, আয়াত: ২৪

^{১৪০১}. আব্বামা আলাউদ্দিন আলী মুত্তাকী (রা.) (৯৭৫হি.), কানযুল উম্মাল, খণ্ড. ১৬, পৃ:৪৬৮

^{১৪০২}. আব্বামা আলাউদ্দিন আলী মুত্তাকী (রা.) (৯৭৫হি.), কানযুল উম্মাল, খণ্ড: ১৬, পৃ:৪৭৯

^{১৪০৩}. ইমাম মুসলিম (রা.), (২৬১হি.), সহীহ মুসলিম শরীফ, হাদিস নং ৬৩৯০

মায়ের অসন্তোষের পরিণাম

মায়ের অসন্তোষের কারণে সন্তানের মৃত্যুকালে কালিমা নসীব হয়না। হযরত আনাস (রা.) বর্ণনা করেন, নবী করিম ﷺ-র সময়ে আলকামা নামের এক যুবক ছিল। সে খুবই পরিশ্রমী ও দানশীল ছিল। এক সময় সে অসুস্থ হয়ে পড়ে এবং রোগ বেড়ে যায়। তার স্ত্রী নবী করিম ﷺ-এর নিকট সংবাদ পাঠায় যে আমার স্বামী মুমূর্ষু অবস্থায় আছে। আমি আপনাকে তার সম্পর্কে অবহিত করতে চাইছি। নবী করিম ﷺ হযরত বেলাল, আলী, সালমান ও আম্মার (রা.)কে বললেন যে, তোমরা গিয়ে আলকামার অবস্থা দেখে এসো। তাঁরা গিয়ে তাকে লা ইলাহা ইল্লাল্লাহ পড়তে বললেন। কিন্তু তার বাকশক্তি চললনা। তাঁরা তার নিশ্চিত মৃত্যু হবে জেনে হযরত বেলাল (রা.)কে নবী করিম ﷺ-এর নিকট পাঠালেন যুবকের অবস্থা জানাতে। নবী করিম ﷺ জিজ্ঞেস করলেন যে, তার পিতা-মাতা জীবিত আছে কিনা? লোকেরা বলল, তার পিতা মারা গিয়েছেন তবে তার বৃদ্ধা মা জীবিত আছে। তিনি বললেন, হে বেলাল! যুবকের মায়ের কাছে গিয়ে আমার সালাম বলবে আর তাকে বলবে, আপনি যদি চলতে পারেন তাহলে নবী করিম ﷺ-এর নিকট চলুন। নইলে এখানে থাকুন। তিনি আপনার এখানে আসবেন। হযরত বেলাল (রা.) গিয়ে এ সংবাদ দিলেন। বৃদ্ধা বললেন, তাঁর জন্য আমার জীবন উৎসর্গ হোক, তাঁর নিকট আমার যাওয়া অধিক সঙ্গত। এই বলে বৃদ্ধা লাঠি নিয়ে হাঁটতে হাঁটতে নবী করিম ﷺ-র নিকট গিয়ে উপস্থিত হলেন এবং সালাম দিলেন। তিনি সালামের উত্তর দিলেন। অতঃপর বৃদ্ধা তাঁর সামনে বসলেন। তিনি বললেন, আপনি আমার সাথে সত্য কথা বলবেন। যদি মিথ্যা বলেন, তাহলে আল্লাহর পক্ষ থেকে আমার নিকট ওহী আসবে। বলুন, আলকামার অবস্থা কেমন ছিল? বৃদ্ধা বললেন, হে আল্লাহর রাসূল! সে বেশী নামায পড়ত, রোযা রাখত এবং এত দিরহাম সদকা করত যে, তার ওয়ন বা সংখ্যা বলা মুশকিল। মহানবী ﷺ বললেন, তার সাথে আপনার সম্পর্ক কিরূপ ছিল? বৃদ্ধা বললেন, হে আল্লাহর রাসূল! আমি তার প্রতি অসন্তুষ্ট ও মনঃক্ষুন্ন ছিলাম। তিনি জানতে চাইলেন, কেন? বৃদ্ধা বললেন, সে আমার উপর তার স্ত্রীকে প্রাধান্য দিত এবং বিভিন্ন বিষয়ে আমার কথা না মেনে স্ত্রীর কথা মানত। নবী করিম ﷺ তখন বললেন, তার মায়ের অসন্তোষই তার জিহ্বাকে কালিমা পাঠে বাধা দিচ্ছে। তারপর তিনি হযরত বেলাল (রা.)কে বললেন- তুমি গিয়ে বেশ কিছু কাঠ যোগাড় কর। আমি তাকে আগুনে জ্বালিয়ে ফেলবো। বৃদ্ধা বললেন, হে আল্লাহর রাসূল! আমার সন্তান আমার কলিজার টুকরোকে আমার সামনেই আগুনে জ্বালাবেন? আমার মন কিভাবে তা সহ্য করবে? উত্তরে নবী করিম ﷺ বললেন, হে আলকামার মাতা! আল্লাহ তায়ালার আযাব আরো কঠিন ও চিরস্থায়ী। আপনি যদি ভাল মনে করেন যে, আল্লাহ তাকে ক্ষমা করে দিন, তাহলে

আপনি তার প্রতি সন্তুষ্ট হয়ে যান। খোদার শপথ! আপনি যতক্ষণ তার উপর অসন্তুষ্ট থাকবেন, ততক্ষণ পর্যন্ত তার নামায এবং সদকা তার কোন উপকারে আসবেনা। বৃদ্ধা হাত তুলে দোয়া করলেন- হে আল্লাহর রাসূল! আমি আসমা'নে আল্লাহকে এবং আপনাকে ও উপস্থিত সবাইকে সাক্ষী রেখে বলছি যে, আমি আলকামার প্রতি সন্তুষ্ট হয়ে গেলাম। তখন নবী করিম ﷺ হযরত বেলাল (রা.)কে বললেন, হে বেলাল! তুমি গিয়ে দেখ, আলকামা লাইলাহা ইল্লাল্লাহু বলতে পারছে কিনা? কেননা আলকামার মা নবী ﷺ 'র লজ্জার কারণে হয়তো মনের বিপরীত কথা বলতেছেন। হযরত বেলাল (রা.) গিয়ে দরজার পৌঁছে শুনতে পেলেন আলকামা বলছে লা ইলাহা ইল্লাল্লাহু। ঘরে প্রবেশ করে তিনি বললেন, হে লোক সকল! আলকামার মায়ের অসন্তুষ্টিই তার জিহ্বাকে কালিমা পাঠে বাধা সৃষ্টি করেছিল। তার সন্তুষ্টিই এখন তার জিহ্বাকে সচল করেছে। ঐ দিনই তার মৃত্যু হয়। নবী করিম ﷺ তাশরীফ আনলেন এবং তাকে গোসল দিতে ও কাফন পরাতে বললেন। তারপর জানাযার নামায পড়লেন। অতঃপর তিনি তার কবরের পাশে দাঁড়িয়ে বলতে লাগলেন- **يَا مَعْشَرَ الْمُهَاجِرِينَ وَالْأَنْصَارِ مِنْ فَضْلِ زَوْجَتِهِ عَلَى امِّهِ فَعَلِيهِ لَعْنَةُ اللَّهِ** হে মুহাজির ও আনসার দল! যে ব্যক্তি নিজের স্ত্রীকে মায়ের উপর প্রাধান্য দেয়, তার প্রতি আল্লাহর অভিশাপ আর তার কোন ফরয বা নফল ইবাদত কবুল হবে না।^{১৪০৮}

মায়ের বদদোয়া অন্যায়ভাবে হলেও কবুল হয়ে যায়

হযরত আবু হোরাযরা (রা) থেকে বর্ণিত, তিনি বলেন, রাসূল ﷺ এরশাদ করেন, বনী ইস্রাঈলে জুরাইজ নামক একজন (সাধক) লোক ছিলেন। একদিন তিনি সালাত আদায় করছিলেন। এমন সময় তার মা তাকে ডাকলেন। কিন্তু তিনি তার ডাকে সাড়া দিলেন না। তিনি (মনে মনে) বললেন, আমি কি তার ডাকে সাড়া দেব নাকি সালাত আদায় করব। তারপর মা তার কাছে এসে বললেন (বদদোয়া হিসাবে) হে আল্লাহ! তুমি তাকে মৃত্যু দিও না যে পর্যন্ত তুমি তাকে কোন বেশ্যার মুখ না দেখাও। (তার দোয়া কবুল হয়েছে) একদিন জুরাইজ তার ইবাদতখানায় ছিলেন। এক মহিলা বলল, আমি জুরাইজকে অবশ্যই ফিতনায় লিপ্ত করব। তখন সে তার নিকট গেল এবং তার সাথে যিনার প্রস্তাব দিল। কিন্তু তিনি অস্বীকৃতি জানালেন। তারপর সে মহিলা এক রাখালের নিকট গিয়ে স্বেচ্ছায় নিজেকে তার হাতে সঁপে দিল। এর কিছুদিন পর সে একটি ছেলে প্রসব করল। তখন সে বলে বেড়াত লাগল যে, এ ছেলে জুরাইজের! একথা শুনে লোকেরা জুরাইজের নিকট এলো এবং তার ইবাদতখানা ভেঙ্গে তাকে বের করে দিল আর তাকে গালি গালাজ

করল। এরপর তিনি উযু করলেন এবং সালাত আদায় করলেন। তারপর তিনি নবজাতক শিশুটির কাছে এসে বললেন, হে ছেলে! তোমার পিতা কে? সে জবাব দিল। অমুক রাখাল। তখন লোকেরা বলল, আমরা আপনার ইবাদতখানাটি স্বর্ণ দিয়ে নির্মাণ করে দিব। জুরাইজ বললেন, না, মাটি দিয়েই নির্মাণ করে দাও। (যেমনটা পূর্বে ছিল)।^{১৪০৫}

উপরোক্ত বিশুদ্ধ হাদিসে বর্ণিত ঘটনায় জুরাইজ নামাযরত থাকার কারণে মায়ের ডাকে সাড়া দেননি। আর মা জানেন না যে, জুরাইজ নামাযরত আছেন। মায়ের ডাকে সাড়া না দেওয়াতে মা ছেলেকে বদ দোয়া দিয়েছেন। নামাযরত অবস্থায় মায়ের ডাকে সাড়া না দেওয়াটাই যুক্তিসঙ্গত। তাছাড়া স্রষ্টার ডাকে সাড়া দিতে গিয়ে মায়ের ডাকে সাড়া না দেওয়াটা কোন অপরাধ নয়। এতদসত্ত্বেও যখন বদদোয়া মায়ের জবান থেকে বের হয়েছে আল্লাহ তায়ালা তা কবুল করেছেন। বেশ্যা নারীর ষড়যন্ত্রে লিপ্ত হয়ে প্রাথমিকভাবে লাস্ত্রিত হয়েছেন। কিন্তু পরক্ষণে তার বিশেষ কারামত দ্বারা তিনি পূর্বের চেয়েও অধিক পরিমাণ সম্মানিত হয়েছেন। তার ইশারায় সদ্য নবজাতক শিশু স্পষ্ট ভাষায় কথা বলে তাকে মন্ত বড় অপবাদ থেকে মুক্তি দিল।

সুতরাং সব সন্তানকে সর্বদা পিতা-মাতার নাফরমানি, অসম্মতি ও বদদোয়া থেকে বেঁচে থাকতে হবে। কারণ পিতা-মাতার বদদোয়া ন্যায়-অন্যায়, হক-নাহক ও সত্য-মিথ্যা যাচাই করে না। তাই এইক্ষেত্রে অত্যন্ত সতর্কতা ও সাবধানতা অবলম্বন করা উচিত।

তাহসীরে কাশশাফের প্রণেতা আল্লামা জারুল্লাহ যমখশরী মায়ের বদদোয়ায় লেংড়া হয়ে গিয়েছিলেন। তিনি নিজেই বর্ণনা করেছেন- একদিন আমি ছোটবেলায় একটি পাখি নিয়ে খেলা করতে গিয়ে পাখিটির পা ভেঙ্গে গেল। আমার মা যখন পাখিটির পা ভাঙা দেখলেন তখন বললেন, যে এই পাখিটির পা ভাঙল আল্লাহ তায়ালা যেন তার পা ভেঙে দেন। এরপর এক দুর্ঘটনায় তার পা ভেঙে গিয়েছিল।

প্রতিবেশীর হক

নিজের বাসস্থানের নিকটে অবস্থানকৃত লোকদেরকে প্রতিবেশী বলে। বাড়ীর চতুর্দিকের ৪০ বাড়ি হলো প্রতিবেশী। ইমাম যুহরী (র.) বলেন- কারো চারপাশে ৪০ গজের মধ্যে যারা আছে তারা হলো প্রতিবেশী। প্রতিবেশীরা আত্মীয়-স্বজনের চেয়ে অধিক কাজে আসে। প্রতিবেশীরাই বিপদে-আপদে, দুঃখ-দুর্দশায় প্রথমে এগিয়ে আসে। বিয়ে-শাদীসহ বিভিন্ন সামাজিক আচার-অনুষ্ঠানে প্রতিবেশীর ভূমিকা থাকে উল্লেখযোগ্য। পবিত্র কুরআনে পিতা-মাতার সাথে প্রতিবেশীর হকের কথাও বলা হয়েছে। আল্লাহ

তায়াল্লা বলেন- **وَالْجَارِ ذِي الْقُرْبَىٰ وَالْجَارِ الْجُنُبِ** ও নিকটবর্তী ও দূরবর্তী প্রতিবেশীর সাথে সদয় ব্যবহার কর।^{১৪০৬}

ইমাম বাযযার (র.) হযরত জাবির (রা.) থেকে বর্ণনা করেন, নবী করিম ﷺ বলেছেন, প্রতিবেশী তিন প্রকার। যথা- ১. অনাত্মীয় অমুসলিম প্রতিবেশী। এদের হক মাত্র একটি প্রতিবেশী হিসাবে। ২. অনাত্মীয় মুসলিম প্রতিবেশী। এদের হক দু'টি। একটি প্রতিবেশী হিসেবে অপরটি মুসলিম হিসেবে। ৩. আত্মীয় মুসলিম প্রতিবেশী। এদের হক হল তিনটি। একটি আত্মীয়তার, দ্বিতীয়টি মুসলিম হিসেবে, তৃতীয়টি প্রতিবেশী হওয়ার জন্য। এতে প্রতীয়মান হয় যে, প্রতিবেশী অমুসলিম হলেও তাদের সাথে সদয়ব্যবহার করতে হবে। প্রতিবেশীকে কষ্ট দেওয়া ঈমানের পরিপন্থী কাজ। নবী করিম ﷺ এরশাদ করেন- **«مَنْ كَانَ يُؤْمِنُ بِاللَّهِ، وَالْيَوْمِ الْآخِرِ فَلَا يُوْذِ جَارَهُ»** যে ব্যক্তি আল্লাহ ও পরকালের প্রতি ঈমান রাখে, সে যেন তার প্রতিবেশীকে কষ্ট না দেয়। (মিশকাত)

হযরত আয়েশা ও ইবনে ওমর (রা) থেকে বর্ণিত, নবী করিম ﷺ এরশাদ করেন- **«مَا زَالَ جَبْرِيلُ يُوصِنِي بِالْجَارِ، حَتَّى طَنَنْتُ أَلَّهُ سَيُورُثُهُ»** জিব্রাইল (আ.) আমাকে প্রতিবেশী সম্পর্কে এত বেশী তাকীদ দিতেন, মনে হয়েছিল তিনি তাদেরকে আমার ওয়ারিশ বানিয়ে দিবেন।^{১৪০৭}

হযরত আবু হোরায়া (রা.) থেকে বর্ণিত, তিনি বলেন, নবী করিম ﷺ এরশাদ করেন- **«وَاللَّهِ لَا يُؤْمِنُ وَاللَّهِ لَا يُؤْمِنُ وَاللَّهِ لَا يُؤْمِنُ قِيلَ مِنْ يَا رَسُولَ اللَّهِ قَالَ لَا يَأْمَنُ جَارُهُ»** আল্লাহর কসম! সে ব্যক্তি ঈমানদার নয়। প্রশ্ন করা হলো, হে আল্লাহর রাসূল! কে সে ব্যক্তি? উত্তরে তিনি বলেন- যার প্রতিবেশী তার অনিষ্ট থেকে নিরাপদ থাকতে পারেনা।^{১৪০৮} প্রতিবেশীর সাথে সদয়ব্যবহার করা, তাদের মঙ্গল কামনা করা, তাদের কোন প্রকার কষ্ট-যন্ত্রণা না দেওয়া, তাদের উপকার করা, গরীব প্রতিবেশীকে দান করা এবং ক্ষুধার্ত প্রতিবেশীকে খাবার দেওয়া প্রত্যেক ঈমানদারের ঈমানী দায়িত্ব। নবী করিম ﷺ এরশাদ করেন- **«لَيْسَ الْمُؤْمِنُ بِالَّذِي يَشْبَعُ وَجَارُهُ جَائِعٌ إِلَىٰ جَنْبِهِ»** ঐ ব্যক্তি পূর্ণ ঈমানদার নয়, যে তৃপ্তিসহকারে খাবার খায় অথচ তার প্রতিবেশী তার পাশে অভুক্ত অবস্থায় পড়ে থাকে।^{১৪০৯}

^{১৪০৬} সূরা নিসা, আয়াত, ৩৬

^{১৪০৭} বুখারী ও মুসলিম), সূত্র: মিশকাত শরীফ, পৃ. ৪২২

^{১৪০৮} বুখারী ও মুসলিম, সূত্র: মিশকাত শরীফ, পৃ:৪২২

^{১৪০৯} ইমাম বাযহাকী (র.), (৪৫৮হি.), শোয়াইব ঈমান, সূত্র: মিশকাত শরীফ, পৃ:৪২৫

হযরত আনাস (রা.) থেকে বর্ণিত, তিনি বলেন, নবী করিম ﷺ এরশাদ করেন—

«لَا يَدْخُلُ الْجَنَّةَ مَنْ لَا يَأْمَنُ جَارَهُ بَوَائِقَهُ» সে ব্যক্তি প্রথম দফায় বেহেস্তে প্রবেশ

করবেনা, যার প্রতিবেশী তার ক্ষতিসমূহ থেকে নিরাপদ নয়।^{১৪১০}

যে ব্যক্তি মানুষের নিকট উত্তম প্রতিবেশী, সে ব্যক্তি আল্লাহর নিকটও উত্তম প্রতিবেশী। নবী করিম ﷺ এরশাদ করেন— «خَيْرُ الْأَصْحَابِ عِنْدَ اللَّهِ خَيْرُهُمْ لِصَاحِبِهِ، وَخَيْرُ الْجِيرَانِ خَيْرُهُمْ لِجَارِهِ» আল্লাহর নিকট সেই প্রতিবেশীই উত্তম, যে নিজের প্রতিবেশীর কাছে উত্তম।^{১৪১১}

প্রতিবেশীই হলো মানুষের ভাল-মন্দের বিচারক। হাদিস শরীফে আছে— এক ব্যক্তি নবী করিম ﷺ কে জিজ্ঞেস করল, হে আল্লাহর রাসূল! «إِذَا أَسَأْتُ، فَقَالَ النَّبِيُّ صَلَّى اللَّهُ عَلَيْهِ وَسَلَّمَ: «إِذَا سَمِعْتَ جِرَانِكَ يَقُولُونَ: قَدْ أَحْسَنْتَ فَقَدْ إِذَا أُسِّتُ، فَقَالَ النَّبِيُّ صَلَّى اللَّهُ عَلَيْهِ وَسَلَّمَ: «إِذَا سَمِعَتْهُمْ يَقُولُونَ: قَدْ أُسِّتُ فَقَدْ أَحْسَنْتُ» আমি কিভাবে জানবো যে, আমি ভাল কাজ করলাম না মন্দ করলাম? উত্তরে তিনি বললেন, যখন তুমি তোমার প্রতিবেশীগণকে বলতে শুনবে যে, তুমি ভাল কাজ করেছ, তাহলে তুমি বুঝবে নিশ্চয় তুমি ভালকাজ করেছ। আর যখন তুমি তাদেরকে বলতে শুনেবে যে, তুমি মন্দ কাজ করেছ, তাহলে বুঝবে যে, নিশ্চয় তুমি মন্দ কাজ করেছ।^{১৪১২}

হযরত আবু হোরাযরা (রা.) থেকে বর্ণিত, তিনি বলেন, এক ব্যক্তি বলল, হে আল্লাহর রাসূল! অমুক মহিলার ব্যাপারে প্রসিদ্ধ আছে যে, সে খুব বেশী বেশী নামায পড়ে, খুব বেশী বেশী রোযা রাখে এবং প্রচুর পরিমাণ সাদকা করে কিন্তু সে নিজের মুখ দ্বারা প্রতিবেশীকে কষ্ট দেয়। নবী করিম ﷺ বললেন, هِيَ فِي النَّارِ, সে জাহান্নামে যাবে। লোকটি বলল, হে আল্লাহর রাসূল! অমুক মহিলা সম্পর্কে জনশ্রুতি আছে যে, সে রোযা কম রাখে, সাদকা কম দেয় এবং নামায কম পড়ে। অবশ্য দু'এক টুকরো পনির সাদকা করে। কিন্তু সে নিজের মুখ দ্বারা প্রতিবেশীকে কষ্ট দেয়না। নবী করিম ﷺ বললেন, هِيَ فِي الْجَنَّةِ, সে বেহেস্তে যাবে।^{১৪১৩}

^{১৪১০} ইমাম মুসলিম (র.), (২৬১হি.), সহীহ মুসলিম শরীফ, সূত্র: মিশকাত শরীফ, পৃ: ৪২২

^{১৪১১} তিরমিযী ও দারেমী, সূত্র: মিশকাত শরীফ, পৃ: ৪২৪

^{১৪১২} ইমাম ইবনে মাজাহ (র.), (২৭৩হি.), ইবনে মাজাহ শরীফ, সূত্র: মিশকাত শরীফ, পৃ: ৪২৪

^{১৪১৩} ইমাম আহমদ (র.), (২৪১হি.), স্বীয় মসনদে ও ইমাম বায়হাকী (র.), (৪৫৮ হি.), শোয়াবুল ঈমান, সূত্র: মিশকাত শরীফ, পৃ: ৪২৪

হাদিয়া আদান-প্রদান করলে মানুষের মধ্যে আন্তরিকতা ও ভালবাসা সৃষ্টি হয়। তাই প্রতিবেশীর সাথে আন্তরিকতা ও ভালোবাসা সৃষ্টি কিংবা বৃদ্ধির জন্যে নবী করিম ﷺ প্রতিবেশীকে হাদিয়া প্রদানের নির্দেশ দিয়েছেন। তিনি বলেছেন- إِذَا طَبَخْتَ مَرَقَةً، فَأَكْثِرْ যখন তুমি তরকারী রান্না করবে তাতে কিছু ঝোল বেশী দেবে, আর তোমার প্রতিবেশীকে হাদিয়া দিবে।^{১৪১৪} নবী করিম ﷺ এরশাদ করেন- «مَنْ أَعْطَى جَارَهُ يَوْمَ يَوْمِ يَكْفَى اللَّهُ وَرَسُولُهُ فَلْيَصْدُقِ الْحَدِيثَ، وَلْيُؤَدِّ الْأَمَانَةَ، وَلَا يُؤْذِ جَارَهُ» কেউ যদি পছন্দ করে যে, আল্লাহ এবং রাসূল তাকে ভাল বাসবে, তাহলে সে যেন সত্য কথা বলে, আমানত আদায় করে এবং নিজের প্রতিবেশীকে যেন কষ্ট না দেয়।^{১৪১৫}

প্রতিবেশীকে সম্মান করা নৈতিক কর্তব্য। নবী করিম ﷺ এরশাদ করেন- «مَنْ كَانَ يُؤْمِنُ بِاللَّهِ وَالْيَوْمِ الْآخِرِ فَلْيُكْرِمْ جَارَهُ، وَمَنْ كَانَ يُؤْمِنُ بِاللَّهِ وَالْيَوْمِ الْآخِرِ فَلْيُكْرِمْ ضَيْفَهُ» যে ব্যক্তি আল্লাহ ও পরকালের প্রতি ঈমান রাখে, সে যেন প্রতিবেশীকে এবং মেহমানকে সম্মান করে।^{১৪১৬}

কোন প্রতিবেশীকে এবং প্রতিবেশীর কোন উপটোকনকে তুচ্ছ মনে করা উচিত নয় বরং প্রতিবেশীর প্রতি সম্মান প্রদর্শনপূর্বক সাদরে গ্রহণ করা উচিত। হযরত আবু হোরাযরা (রা.) থেকে বর্ণিত, তিনি বলেন, নবী করিম ﷺ বলতেন, «يَا نِسَاءَ الْمُسْلِمَاتِ، لَا تَحْقِرَنَّ جَارَةً لِجَارَتِهَا وَلَوْ فَرْسَنَ شَاةٍ» হে মুসলিম রমণীগণ! কোন প্রতিবেশী নারী যেন তার অপর প্রতিবেশী নারীকে (তার হাদিয়া ফেরত দিয়ে) হেয় প্রতিপন্ন না করে। যদিও তা বকরীর পায়ের ক্ষুর হোক না কেন।^{১৪১৭}

আত্মীয়ের হক

পৃথিবীর মানুষ জন্মসূত্রে ও বৈবাহিক সূত্রে পরস্পর আত্মীয়। আল্লাহ তায়ালা পিতা-মাতার পরে আত্মীয়ের সাথে সদাচরণ করার নির্দেশ দিয়েছেন। আল্লাহ বলেন- «وَأَعْبُدُوا اللَّهَ وَلَا تُشْرِكُوا بِهِ شَيْئًا وَبِالْوَالِدَيْنِ إِحْسَانًا وَبِذِي الْقُرْبَىٰ» আর তোমরা উপসনা কর আল্লাহর এবং তাঁর সাথে কোন কিছুকে শরীক করোনা। পিতা-মাতার সাথে এবং নিকট আত্মীয়ের সাথে সদাচরণ কর।^{১৪১৮}

^{১৪১৪} ইমাম মুসলিম (র.), (২৬১হি.), সহীহ মুসলিম, সূত্র: শোয়াবুল ঈমান, খণ্ড: ১২, পৃ: ৯০

^{১৪১৫} ইমাম বায়হাকী (র.), (৪৫৮হি.), শোয়াবুল ঈমান, খণ্ড: ১২, পৃ: ৯৯

^{১৪১৬} ইমাম বুখারী (র.), (২৫৬হি.), সহীহ বুখারী শরীফ, খণ্ড: ২, পৃ: ৮৮৯, হাদিস নং: ৫৫৯৪

^{১৪১৭} ইমাম বুখারী (র.), (২৫৬হি.), সহীহ বুখারী শরীফ, খণ্ড: ২, পৃ: ৮৮৯, হাদিস নং: ৫৫৯২

^{১৪১৮} সূরা নিসা, আয়াত: ৩৬

অন্যত্র বলেছেন- **وَأْتِذَا الْقُرْبَىٰ حَقَّهُ** আত্মীয়দের হক আদায় কর।^{১৪১৯}

আল্লাহ আরো বলেন, **إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَاءِ ذِي الْقُرْبَىٰ** আত্মীয়দের হক আদায় করা, সামর্থনুযায়ী তাদের কায়িক ও আর্থিকভাবে সেবা-যত্ন করা এবং তাদের খোঁজ-খবর নেয়া আবশ্যিক করে দেয়া হয়েছে।^{১৪২০}

উপরোক্ত আয়াতসমূহে আত্মীয়ের হক আদায় করা, সামর্থনুযায়ী তাদের কায়িক ও আর্থিকভাবে সেবা-যত্ন করা এবং তাদের খোঁজ-খবর নেয়া আবশ্যিক করে দেয়া হয়েছে।

বিশুদ্ধ হাদিসে বর্ণিত আছে, আত্মীয় স্বজনের সাথে উত্তম ব্যবহারের দ্বারা হায়াত ও রিয়িক বৃদ্ধি পায়। যেমন- হযরত আনাস (রা.) থেকে বর্ণিত, তিনি বলেন, **«مَنْ أَحَبَّ أَنْ يُرْسِلَ لَهُ فِي رِزْقِهِ، وَيُنْسَأَ لَهُ فِي أَثَرِهِ، فَلْيَصِلْ رَحِمَهُ»** রাসূল ﷺ এরশাদ করেন- যে ব্যক্তি তার রিয়িক প্রশস্ত ও আয় বৃদ্ধি হওয়াকে ভালবাসে, সে যেন নিজের আত্মীয়-স্বজনের সাথে সম্পর্ক রক্ষা করে।^{১৪২১}

রাসূল ﷺ এরশাদ করেন, **فَإِنْ صَلَّاهُ الرَّحِمَ، تَعَلَّمُوا مِنْ أَنْسَابِكُمْ مَا تَصِلُونَ بِهِ أَرْحَامَكُمْ** তোমরা কমপক্ষে এতটুকু পর্যন্ত তোমাদের বংশ পরিচয় জেনে নাও, যা দ্বারা তোমাদের আত্মীয়তার সম্পর্ক বজায় রাখতে পার। কেননা আত্মীয়তার সম্পর্ক স্থাপন দ্বারা আপনজনদের মধ্যে ভালবাসা সৃষ্টি হয়, সম্পদ বৃদ্ধি হয় এবং আয় বৃদ্ধি হয়।^{১৪২২} ইসলাম হচ্ছে মানবতা ও সম্প্রীতির ধর্ম। পারিবারিক ও সামাজিক ক্ষেত্রে পারস্পরিক বন্ধুত্ব ও প্রীতির সম্পর্ক অক্ষুণ্ন রাখার জন্যে আত্মীয়তা রক্ষা করার জোর তগীদ দিয়েছেন আল্লাহ তায়ালা। তিনি বলেন, **أَنْ أَصِلَ مَنْ وَصَلَكَ**, হে আত্মীয়তা! যে তোমার সাথে সম্পর্ক ঠিক রাখবে আমিও তার সাথে সম্পর্ক ঠিক রাখবো আর যে তোমার সাথে সম্পর্ক ছিন্ন করবে, আমিও তার সাথে সম্পর্ক ছিন্ন করবো।^{১৪২৩} আত্মীয়তার সম্পর্ক ছিন্নকারী নিজেও আল্লাহর রহমত হতে বঞ্চিত হয় আর তার কারণে অন্যরাও বঞ্চিত হয়। হযরত আব্দুল্লাহ ইবনে আবি আওফা (রা.) থেকে বর্ণিত, তিনি বলেন, আমি রাসূল ﷺ কে বলতে শুনেছি- **«لَا تَنْزِلُ الرَّحْمَةُ عَلَى قَوْمٍ فِيهِمْ**

^{১৪১৯} সূরা বনী ইসরাঈল, আয়াত ২৬

^{১৪২০} সূরা নাহল, আয়াত, ৯০

^{১৪২১} বুখারী ও মুসলিম, সূত্র: মিশকাত শরীফ, পৃ. ৪১৯

^{১৪২২} তিরমিযী, সূত্র: মিশকাত শরীফ, পৃ. ৪২০

^{১৪২৩} বুখারী ও মুসলিম, সূত্র: মিশকাত শরীফ, পৃ. ৪১৯

«قَاطِعٌ رَحِمٍ» আল্লাহর রহমত সে সম্প্রদায়ের উপর অবতীর্ণ হয়না, যাদের মধ্যে
 আত্মীয়তার সম্পর্ক ছিন্নকারী রয়েছে।^{১৪২৪}

আত্মীয়তার সম্পর্ক ছিন্ন করার শাস্তি পরকালের জন্য জমা থাকা সত্ত্বেও দুনিয়াতেও অতি দ্রুত এর শাস্তি ভোগ করতে হয়। আবু বুরহাহ (রা.) থেকে বর্ণিত আছে তিনি বলেন, রাসূল ﷺ এরশাদ করেন— مَا مِنْ ذَنْبٍ أُخْرَى أَنْ يُعْجَلَ اللَّهُ لِصَاحِبِهِ الْعُقُوبَةَ فِيهَا مَعَ مَا يَذْخِرُ لَهُ فِي الْآخِرَةِ مِنَ الْبُغْيِ، وَقَطِيعَةِ الرَّحِمِ» বিদ্রোহ করা এবং আত্মীয়তার বন্ধন ছিন্ন করা এতবড় পাপ যে, আল্লাহ পাপীকে পৃথিবীতে দ্রুত শাস্তি দেবেন এবং পরকালের জন্যও শাস্তি বরাদ্দ করে রাখবেন।^{১৪২৫}

আত্মীয়তা ছিন্কারীর উপর আল্লাহর অভিশাপ। আল্লাহ তায়ালা বলেন- **فَهَلْ عَسَيْتُمْ** **إِنْ تَوَلَّيْتُمْ أَنْ تُفْسِدُوا فِي الْأَرْضِ وَتُقْطَعُوا أَرْحَامَكُمْ** ، **أُولَئِكَ الَّذِينَ لَعَنَهُمُ اللَّهُ فَأَصَمَّهُمْ وَأَعَمَّى** **صَمَمَتَا** লাভ করলে সম্ভবত তোমরা পৃথিবীতে অনর্থ সৃষ্টি করবে ও আত্মীয়তা ছিন্কা করবে। এদের প্রতিই আল্লাহ অভিশাপ করেন। অতঃপর তাদেরকে বধির ও দৃষ্টিশক্তিহীন করে দেন। আত্মীয়তার বন্ধন ছিন্কা করা কবীরা গুনাহ। যার কারণে মু'মিন প্রথমেই জান্নাতে প্রবেশ করতে পারবেনা। বরং এই গুনাহের কারণে জাহান্নামে শাস্তি লাভ করার পর জান্নাত লাভ করবে। রাসূল ﷺ এরশাদ করেন- **لَا تَدْخُلُ الْجَنَّةَ فَاطِعٌ** আত্মীয়তার সম্পর্ক ছিন্কারী প্রথম দফায় জান্নাতে প্রবেশ করতে পারবেনা।^{১৪২৬} মসনদে আহমদ গ্রন্থে নবী করিম ﷺ থেকে বর্ণিত আছে, তিনি বলেন- **«الْصَّدَقَةُ عَلَى الْمِسْكِينِ** **مِسْكِينِ** মিসকীনদের দান করলে কেবল সাদকার সাওয়াব পাওয়া যায় কিন্তু রক্ত সম্পর্কীয় আত্মীয়কে দান করলে দু'টি সাওয়াব পাওয়া যায়। একটি হলো সাদকার সাওয়াব অপরটি হলো সেলাহ রেহমী তথা সম্পর্ক বজায় রাখার সাওয়াব।^{১৪২৭}

স্বামী -স্ত্রীর অধিকার

স্বামী- স্ত্রী হলো একে অপরের পরিপূরক। স্বামীর যেমন স্ত্রীর প্রয়োজন হয় অনুরূপ স্ত্রীরও স্বামীর প্রয়োজন হয়। সুখের সংসার করতে হলে উভয়ের মধ্যে সম্প্রীতি ও ভালবাসা

^{১৪২৪} . ইমাম বায়হাকী (রা.), শোয়াবুল ইমান, সূত্র: মিশকাত শরীফ, পৃ:৪২০

১৪২৫. তিরমিযী ও আবু দাউদ, সূত্র: মিশকাত শরীফ, পৃ:৪২০

১৪২৬. বুখারী ও মুসলিম, সূত্র: মিশকাত শরীফ, পৃ: ৪১৯

১৪২৭. আল্লামা ইবনে কাসীর (রা.), (৭৭৪হি.), তাফসীরে ইবনে কাসীর

প্রয়োজন। উভয়ের মর্যাদা অক্ষুন্ন রাখতে এবং পরস্পরের উপর যে কর্তব্য ও অধিকার তা যথাযথভাবে পালন করতে ইসলাম নির্দেশ দিয়েছে। পবিত্র কুরআনে এরশাদ হয়েছে— وَلَهُنَّ مِثْلُ الَّذِي عَلَيْهِنَّ بِالْمَعْرُوفِ وَلِلرِّجَالِ عَلَىٰ هُنَّ دَرَجَةٌ যেমন রয়েছে তাদের উপর পুরুষদের। কিন্তু নারীদের উপর পুরুষের মর্যাদা (একটু বেশী) রয়েছে।^{১৪২৮} এ আয়াতে নারীর অধিকারের কথা পুরুষের পূর্বে বলা হয়েছে। কারণ সভাবত: নারীরা দুর্বল ও কোমল প্রকৃতির হয়ে থাকে। পুরুষ থেকে জোর করে অধিকার আদায়ে তারা অক্ষম। তাই তাদের অধিকার আদায়ের প্রতি গুরুত্বারোপ করার উদ্দেশ্যে তাদের অধিকারের বিষয়টির পূর্বে আনা হয়েছে। কিন্তু পরের অংশ دَرَجَةٌ দ্বারা পুরুষের অধিকার ও ক্ষমতা নারীর চেয়ে বেশী হওয়ার প্রতি দিক নির্দেশনা দেওয়া হয়েছে। যেহেতু নারীদের যাবতীয় ভরণ-পোষণের দায়িত্ব পুরুষের উপর এবং পুরুষেই পৃথিবীতে আল্লাহর প্রতিনিধিত্ব করে থাকে আর নবুয়ত, ইমামত ও খেলাফতের দায়িত্ব তাদের উপরই অর্পণ করা হয়েছে তাই তাদেরকে নারীদের উপর কতৃত্ব ও প্রদান করা হয়েছে। আল্লাহ পুরুষরা الرِّجَالُ قَوَّامُونَ عَلَى النِّسَاءِ بِمَا فَضَّلَ اللَّهُ بَعْضَهُمْ عَلَىٰ بَعْضٍ وَبِمَا أَنْفَقُوا مِنْ أَمْوَالِهِمْ নারীদের উপর কর্তৃত্বশীল এজন্য যে, আল্লাহ একের উপর অপরের শ্রেষ্ঠত্ব দান করেছেন এবং এজন্য যে, তারা তাদের অর্থ ব্যয় করে।^{১৪২৯}

আল্লাহ আরো বলেন, وَعَلَى الْمَوْلُودِ لَهُ رِزْقُهُنَّ وَكِسْوَتُهُنَّ بِالْمَعْرُوفِ জনকের কর্তব্য হলো যথাবিধি তাদের (স্ত্রীদের) ভরণ-পোষণ করা,^{১৪৩০} অন্যত্র বলেছেন, لِيُنْفِقَ ذُو سَعَةٍ مِّنْ سَعَتِهِ وَمَن قَدِرَ عَلَيْهِ رِزْقُهُ فَلْيُنْفِقْ مِمَّا آتَاهُ اللَّهُ যার রিযিক সীমিত, সে আল্লাহ যা দান করেছেন তা হতে ব্যয় করবে।^{১৪৩১}

এ আয়াত দ্বারা প্রতীয়মান হয় যে, স্ত্রীর ভরণ-পোষণের ব্যাপারে স্ত্রীর অবস্থা ধর্তব্য হবেনা বরং স্বামীর আর্থিক সংগতি অনুযায়ী ভরণ-পোষণ দেয়া ওয়াজিব। স্ত্রীর উপর স্বামীর অধিকার এত বেশী যে, নবী করিম ﷺ বলেছেন, لَوْ كُنْتُ أَمْرُ أَحَدًا أَنْ يَسْجُدَ لِأَخِي لَأَمَرْتُ الْمَرْأَةَ أَنْ تَسْجُدَ لِزَوْجِهَا আমি যদি কাউকে সিজদা করার হুকুম করতাম, তাহলে স্ত্রীদের তাদের স্বামীকে সিজদা করতে আদেশ দিতাম।^{১৪৩২} হযরত উম্মে সালামা

^{১৪২৮} সূরা বাকারা, আয়াত: ২২৮

^{১৪২৯} সূরা নিসা, আয়াত, ৩৪

^{১৪৩০} সূরা বাকারা, আয়াত, ২৩৩

^{১৪৩১} সূরা তালাক, আয়াত, ৭

^{১৪৩২} ইমাম তিরমিযী(রা.), (২৭৯হি.), তিরমিযী শরীফ, সূত্র: মিশকাত শরীফ, পৃ: ২৮১

(রা.) থেকে বর্ণিত, তিনি বলেন, রাসূল ﷺ এরশাদ করেন- «أَيُّمَا امْرَأَةٍ مَاتَتْ وَزَوْجُهَا» কোন মহিলা মৃত্যুবরণ করার সময় তার উপর যদি তার স্বামী সম্ভ্রষ্ট থাকে তবে সে জান্নাতে প্রবেশ করবে।^{১৪৩৩}

হযরত তালাক ইবনে আলী (রা.) থেকে বর্ণিত, তিনি বলেন, রাসূল ﷺ এরশাদ করেন- «إِذَا الرَّجُلُ دَعَا زَوْجَتَهُ لِحَاجَتِهِ فَلْتَأْتِهِ، وَإِنْ كَانَتْ عَلَى التُّنُورِ» যখন স্বামী তার স্ত্রীকে ডাকে, তখন তার ডাকে সারা দেওয়া আবশ্যিক। যদিও সে চুলায় কাজ করতে থাকে।^{১৪৩৪}

হযরত আবু হোরাইরা (রা.) থেকে বর্ণিত, তিনি বলেন, রাসূল ﷺ এরশাদ করেন- «إِذَا دَعَا الرَّجُلُ امْرَأَتَهُ إِلَى فِرَاشِهِ، فَأَبَتْ قَبَاتَ غَضَبَانَ عَلَيْهَا لَعْنَتُهَا الْمَلَائِكَةُ حَتَّى تُصْبِحَ» স্বামী যখন স্ত্রীকে শয্যা গ্রহণের আহবান করে তখন সে যদি কোন শরয়ী ওয়র ব্যতীত সাড়া না দেয়, তবে সকাল হওয়া পর্যন্ত ফেরেশ্তারা তার উপর অভিশাপ করে।^{১৪৩৫}

হযরত আবু হোরাইরা (রা.) বলেন, এক ব্যক্তি নবী করিম ﷺ'র কাছে জিজ্ঞেস করেছে- কোন মহিলা উত্তম? তিনি বললেন- «الَّتِي تَسْرُهُ إِذَا نَظَرَ، وَتُطِيعُهُ إِذَا أَمَرَ وَلَا تُخَالِفُهُ» সেই নারী যার প্রতি স্বামী দৃষ্টিপাত করলে, সে খুশী করে দেয়, আদেশ করলে পালন করে, নিজের ব্যক্তিগত ব্যাপারে স্বামীর বিরুদ্ধাচরণ করেনা এবং স্বামীর মতের বিরুদ্ধে তার সম্পদ খরচ করেনা।^{১৪৩৬} হযরত আনাস (রা.) থেকে বর্ণিত, তিনি বলেন, রাসূল ﷺ এরশাদ করেন- «الْمَرْأَةُ إِذَا صَلَّتْ خَمْسَهَا وَصَامَتْ شَهْرَهَا» কোন মহিলা যদি পাঁচ ওয়াক্ত নামায আদায় করে, রমযানের রোযা পালন করে এবং নিজের সতীত্ব রক্ষা করে ও স্বামীর কথা মান্য করে, তবে সে জান্নাতের দরজাসমূহ থেকে যেটা দিয়ে ইচ্ছে প্রবেশ করতে পারবে। অর্থাৎ তার জন্য জান্নাতের সব দরজা উন্মুক্ত থাকবে।^{১৪৩৭}

হযরত ওহাব ইবনে মুনাব্বাহ (রা.) থেকে বর্ণিত, বনী ইস্রাঈলের এক যুবক সন্তান অসুস্থ হলে তার মা মানত করল যে, যদি আল্লাহ তায়ালা আমার সন্তানকে সুস্থ করে দেন তাহলে আমি সাত দিনের জন্য পৃথিবী থেকে চলে যাবো। ফলে আল্লাহ তায়ালা যুবককে

^{১৪৩৩} ইমাম তিরমিযী (রা.), (২৭৯ হি.), তিরমিযী শরীফ, সূত্র: মিশকাত শরীফ, পৃ: ২৮১

^{১৪৩৪} ইমাম তিরমিযী (রা.), (২৭৯ হি.), তিরমিযী শরীফ, সূত্র: মিশকাত শরীফ, পৃ: ২৮১

^{১৪৩৫} বুখারী ও মুসলিম শরীফ, সূত্র: মিশকাত শরীফ, পৃ: ২৮০

^{১৪৩৬} ইমাম নাসারী ও বায়হাকী (রা.), নাসাঈ শরীফ ও শোয়াবুল ইমান, সূত্র: মিশকাত শরীফ, পৃ: ২৮৩

^{১৪৩৭} আবু নঈম ইম্পাহানী (রা.), (৪৩০ হি.) হুলিয়া শরীফ, সূত্র: মিশকাত শরীফ, পৃ: ২৮১

সুস্থ করে দেন। তখন মা একটি কবর খনন করে সাতদিনের জন্য কবরে চলে যায়। মহিলা যখন কবরে প্রবেশ করল সে সেখানে একটি দরজা দেখতে পেল যা দিয়ে একটি বাগানে প্রবেশ করা যায়। মহিলা দরজা দিয়ে প্রবেশ করে বাগানে গিয়ে দু'জন মহিলাকে দেখতে পেল। তাদের একজনকে পাখি স্বীয় ডানা দিয়ে পাখা করছে আরেকজনের মাথায় একটি পাখি বসে মাথায় আঘাত করে করে মগজ চুষে খাচ্ছে। ঐ মহিলা এর কারণ জিজ্ঞেস করলে প্রথমজন বলল, আমি যখন পৃথিবী থেকে বিদায় নিচ্ছিলাম তখন আমার স্বামী আমার উপর সন্তুষ্ট ছিলেন। এর বরকতে এই পাখিটি আমাকে ডানা দিয়ে বাতাস করছে। আর দ্বিতীয়জন বলল, মৃত্যুর সময় আমার স্বামী আমার উপর অসন্তুষ্ট ছিলেন। ফলে আমার উপর এই আযাব হচ্ছে। সে বলল, আপনি আমার স্বামীকে গিয়ে আমাকে ক্ষমা করে দিতে বলবেন। অতঃপর সাতদিন পর যখন মহিলার ছেলে তাকে কবর থেকে বের করল, তখন ঐ মহিলার স্বামীর নিকট গিয়ে তার স্ত্রীর উপর আযাবের ঘটনা বলল এবং ক্ষমা চাওয়ার কথাও বলল। তখন স্বামী স্ত্রীকে ক্ষমা করে দিলেন। তারপর ঐ মহিলা কবরস্থ আযাবে লিপ্ত মহিলাকে স্বপ্নে দেখল যে, স্বামী ক্ষমা করে দেওয়ায় তার আযাব রহিত হয়ে গেল। আর এজন্য মহিলা কৃতজ্ঞতা প্রকাশ করল।^{১৪৩৮}

স্বামীর অনুমতি ছাড়া কিংবা তার অসম্মতিতে স্ত্রী ঘরের বাইরে যাওয়া সম্পূর্ণ নিষেধ। হাদিস শরীফে আছে— اذا خرجت المرأة من بيتها وزوجها كاره لعنها كل ملك في يدها যখন কোন স্ত্রী তার স্বামীর অসম্মতি সত্ত্বেও ঘর থেকে বের হয়ে যায় তখন আসমানে ফেরেশ্তারা তাকে অভিশাপ দেয় এবং ঘরে ফিরে আসা পর্যন্ত সে যে সব বস্তুর উপর দিয়ে গমন করবে জ্বিন ও ইনসান ব্যতীত সকলেই তাকে লানত করে।^{১৪৩৯}

স্বামীর খেদমত করা, তাকে সন্তুষ্ট রাখা, স্ত্রীর অন্যতম কর্তব্য। স্বামীর খিদ্মত স্ত্রীর জন্য নফল নামায় ও নফল রোযার চেয়ে উত্তম। নবী করিম ﷺ বলেছেন— لا تصوم اذا خرجت المرأة من بيتها وزوجها كاره لعنها كل ملك في يدها কোন স্ত্রী যেন তার স্বামীর অনুমতি ছাড়া নফল রোযা না রাখে।^{১৪৪০}

হযরত জারিব (রা.) বলেন রাসূল ﷺ এরশাদ করেন, তিন ব্যক্তির নামায় কবুল হয়না এবং তাদের নেকী আকাশের দিকে উঠেনা। ১. পলাতক ক্রীতদাস যতক্ষণ না সে

^{১৪৩৮}. আব্দুর রহমান সফুরী (রা.), (৮৯৪ হি.), নুযহাতুল মাজালীস, পৃ:৫, সূত্র:মাওয়ায়েযে রেজজীয়াহ, খণ্ড:২য়, পৃ:১৫০

^{১৪৩৯}. আল্লামা শারানী (রা.), কাশফুল গুম্মাহ, পৃ:৮১, সূত্র: মাওয়ায়েযে রেজজীয়াহ, খণ্ড:২য়, পৃ:১৪৭

^{১৪৪০}. আবু দাউদ ও ইবনে মাজাহ, সূত্র:মিশকাত শরীফ, পৃ:২৮২

তার মালিকের কাছে ফিরে আসে ও তার হাতে ধরা দেয় ২. সে স্ত্রী যার উপর তার স্বামী অসন্তুষ্ট, যতক্ষণ না সে তাকে সন্তুষ্ট করে। ৩. মাতাল যতক্ষণ না তার হুঁশ আসে^{১৪৪১}

স্ত্রীর উপর ফরয হলো স্বীয় স্বামীর অনুগত হওয়া, স্বামীর অনুপস্থিতিতে তার ধনসম্পদ রক্ষণাবেক্ষণ করা এবং স্বামীর মান-মর্যাদা রক্ষা করা। আল্লাহ তায়ালা এরশাদ করেন- **اللَّهُ حَفَظَ** সৎ স্ত্রীরা স্বামীর অনুগত হয় এবং স্বামীর অনুপস্থিতিতে (তার সম্পদ ও সম্মান) সংরক্ষণ করে যেভাবে আল্লাহ সংরক্ষণের আদেশ দিয়েছেন।^{১৪৪২} ইবনে আব্বাস (রা.) থেকে বর্ণিত, তিনি বলেন, নবী করিম **ﷺ** এরশাদ করেন- **أَرَيْتَ النَّارَ فَإِذَا أَكْثَرُ أَهْلِهَا النِّسَاءُ يَكْفُرْنَ قِيلَ أَيْ كَفَرْنَ بِاللَّهِ قَالَ يَكْفُرْنَ** এরশাদ করেন- **الْعَشِيرَ وَيَكْفُرْنَ بِالْإِحْسَانِ لَوْ أَحْسَنْتَ إِلَى إِحْدَاهُنَّ الدَّهْرَ ثُمَّ رَأَتْ مِنْكَ شَيْئًا قَالَتْ مَا رَأَيْتُ مِنْكَ** **فَطُ** আমাকে জাহান্নাম দেখানো হয়। তার অধিবাসীদের অধিকাংশই স্ত্রীলোক। কারণ তারা কুফরী করে। জিজ্ঞাসা করা হলো, তারা কি আল্লাহর সঙ্গে কুফরী করে? তিনি বললেন, তারা স্বামীর অবাধ্য হয় এবং ইহসান অস্বীকার করে। তুমি যদি দীর্ঘকাল তাদের কারো প্রতি ইহসান করতে থাক, এরপর তোমার সামান্য অবহেলা দেখলেই বলে, আমি তোমার কাছ থেকে কল্যাণময় কিছুই পাইনি।^{১৪৪৩} হযরত তামীমদারী (রা.) নবী করিম **ﷺ** থেকে বর্ণনা করেন, তিনি বলেন- **حَقُّ الزَّوْجِ عَلَى الزَّوْجَةِ ، أَنْ لَا تَهْجُرَ فَرَّاشَهُ ، وَأَنْ تَبَرَ قَسَمَهُ ، وَأَنْ تُطِيعَ أَمْرَهُ ، وَأَنْ لَا تَخْرُجَ إِلَّا بِإِذْنِهِ ، وَأَنْ لَا تُدْخَلَ عَلَيْهِ مَنْ يَكْرَهُ** স্ত্রীর উপর স্বামীর হক হলো স্ত্রী স্বামীর বিছানা ছাড়বেনা, স্বামীর শপথ পূর্ণ করবে, তার আদেশ পালন করবে, তার অনুমতি ব্যতীত ঘর থেকে বের হবেনা এবং স্বামীর অপছন্দের কাউকে ঘরে প্রবেশ করতে দিবেনা।^{১৪৪৪}

স্বামীর উপর স্ত্রীর অধিকার হলো স্ত্রীর সাথে সদ্ব্যবহার করা, ভরণ-পোষণ দেয়া, তাদের ছোট খাট দোষ-ত্রুটির প্রতি ভ্রক্ষেপ না করা ইত্যাদি। আল্লাহ তায়ালা এরশাদ করেন- **وَعَاشِرُوهُنَّ بِالْمَعْرُوفِ فَإِنْ كَرِهْتُمُوهُنَّ فَعَسَى أَنْ تَكْرَهُوا شَيْئًا وَيَجْعَلَ اللَّهُ فِيهِ خَيْرًا** তোমরা স্ত্রীদের সাথে সদ্ভাবে জীবন-যাপন কর। অতঃপর যদি তাদেরকে অপছন্দ কর, তবে হয়ত তোমরা এমন এক জিনিসকে অপছন্দ করছ, যাতে আল্লাহ অনেক কল্যাণ রেখেছেন।^{১৪৪৫}

^{১৪৪১}. বায়হাকী, শুআবুল ইমান সূত্র: মিশকাত শরীফ, পৃ:২৮৩, হাদিস নং ৩১১৮

^{১৪৪২}. সূরা নিসা, আয়াত: ৩৪

^{১৪৪৩}. ইমাম বুখারী (রা.), (২৫৬ হি.), সহীহ বুখারী শরীফ, খণ্ড: ১ম, পৃ: ৯, হাদিস নং: ২৮

^{১৪৪৪}. তাবরানী, সূত্র: হাফিয নুরুদ্দিন আলী ইবনে আবু বকর (রা.), (৮০৭ হি.), মাজমাউস যাওয়ায়েদ, খণ্ড: ৫, পৃ: ৩০৭

^{১৪৪৫}. সূরা নিসা, আয়াত, ১৯

হযরত হাকিম ইবনে মুয়াবিয়া স্বীয় পিতা থেকে বর্ণনা করেন— **أَنَّ رَجُلًا سَأَلَ النَّبِيَّ صَلَّى اللَّهُ عَلَيْهِ وَسَلَّمَ مَا حَقُّ الْمَرْأَةِ عَلَى الزَّوْجِ قَالَ أَنْ يُطْعِمَهَا إِذَا طَعِمَ وَأَنْ يَكْسُوَهَا إِذَا اكْتَسَى وَلَا يَضْرِبُ الْوَجْهَ وَلَا يُقَبِّحُ وَلَا يَهْجُرُ إِلَّا فِي الْبَيْتِ** এক ব্যক্তি নবী করিম ﷺ কে জিজ্ঞাসা করল স্বামীর উপর স্ত্রীর হক কি? তিনি বললেন, যখন স্বামী খাবে স্ত্রীকেও খাওয়াবে, যখন সে নিজে কাপড় পরিধান করবে, তখন স্ত্রীকেও পরিধান कराবে। স্ত্রীর চেহারা প্রহার করবেনা, তার দোষ বর্ণনা কববেনা এবং একান্ত প্রয়োজন হলে ঘরের ভিতরেই পৃথক রাখবে।^{১৪৪৬} হযরত জুবাইর (রা.) থেকে বর্ণিত, তিনি বলেন, রাসূল ﷺ এরশাদ করেন— **أَلَا عَسَىٰ أَحَدُكُمْ أَنْ يَضْرِبَ امْرَأَتَهُ ضَرْبَ الْأَمَةِ ، أَلَا خَيْرُكُمْ خَيْرُكُمْ لِأَهْلِهِ** তোমাদের মধ্যে কোন এক ব্যক্তি নিজের স্ত্রীকে দাসীর ন্যায় প্রহার করবে। শোন, তোমাদের মধ্যে সে ব্যক্তি উত্তম যে নিজের স্ত্রীর কাছে উত্তম।^{১৪৪৭} হযরত আবু হোরায়া (রা.) থেকে বর্ণিত, তিনি বলেন, রাসূল ﷺ এরশাদ করেন— **أَكْمَلُ الْمُؤْمِنِينَ إِيمَانًا أَحْسَنُهُمْ** মু'মিনদের মধ্যে ঐসব লোকের ঈমান পরিপূর্ণ হবে, যাদের চরিত্র উত্তম হবে এবং যারা নিজেদের স্ত্রীদের সাথে উত্তম আচরণ করে।^{১৪৪৮}

সতী সাধ্বী স্ত্রীর গুণাবলি

একজন স্ত্রী যদি নেককার, পরহেজগার ও আমানতদার হয় বিশেষত; সচ্চরিত্রবান হয়, তাহলে পুরো পরিবার শান্তির নীড়ে পরিণত হয়। কোমলতা, নম্রতা, অনুগত, শান্ত-শিষ্ট ও হাসি মুখের অধিকারী হওয়া নারী জাতির অন্যতম বৈশিষ্ট্য। এসব গুণাবলির মধ্যেই নারী সৃষ্টির রহস্য নিহিত। আল্লাহ তায়ালা পবিত্র কুরআনে এরশাদ করেন— **الرِّجَالُ قَوَّامُونَ عَلَى النِّسَاءِ بِمَا فَضَّلَ اللَّهُ بَعْضَهُمْ عَلَىٰ بَعْضٍ وَبِمَا أَنْفَقُوا مِنْ أَمْوَالِهِمْ فَالصَّالِحَاتُ قَانِتَاتٌ حَافِظَاتٌ لِّلْغَيْبِ بِمَا حَفِظَ اللَّهُ** পুরুষরা নারীদের উপর কর্তৃত্বশীল। এজন্য যে, আল্লাহ একের উপর অন্যের মর্যাদা দান করেন। পুরুষের কর্তৃত্ব এজন্য যে, তারা তাদের অর্থ ব্যয় করে। আর নেককার স্ত্রীগণ হয় অনুগত এবং আল্লাহ যা সংরক্ষণ যোগ্য করে দিয়েছেন লোক চক্ষুর অন্তরালেও তা সংরক্ষণ করে।^{১৪৪৯} হাদিস শরীফে রাসূল ﷺ

^{১৪৪৬} মুহাম্মদ ইবনে ইয়াহিয়া ইবনে মাজাহ (র.) (২৭৩ হি) সুনানে ইবনে মাজাহ, পৃ-১৩৩

^{১৪৪৭} বায্‌যার, সূত্র: হাফিয নুরুদ্দীন হায়সামী (র.) (৮০৭ হি), মাজমাউস যাওয়ায়েদ, খণ্ড-৪, পৃ-২০৩

^{১৪৪৮} ইমাম আহমদ (র.) মসনদে আহমদ, সূত্র: হাফিয নুরুদ্দীন হায়সামী (র.) (৮০৭ হি), মাজমাউস যাওয়ায়েদ, খণ্ড-৪, পৃ-৩০৩

^{১৪৪৯} সূরা নিসা, আয়াত-৩৪

এরশাদ করেন- **لَيْسَ مِنْ مَنَاعِ الدُّنْيَا شَيْءٌ أَفْضَلَ مِنَ الْمَرْأَةِ الصَّالِحَةِ** পার্থিব নিয়ামত সমূহের মধ্যে নেককার স্ত্রীর চেয়ে উত্তম কিছুই নেই। ^{১৪৫০}

অন্য বর্ণনায় আছে- **الدُّنْيَا الْمَرْأَةُ الصَّالِحَةُ** দুনিয়ার সর্বোত্তম নিয়ামত তথা উপকৃত বস্তু হল সতী সাধবী স্ত্রী। ^{১৪৫১}

আল্লাহর হকের পরে স্বামীর হকই স্ত্রীদের উপর অধিক গুরুত্বপূর্ণ। স্বামীর সম্বন্ধিতেই স্ত্রীর কল্যাণ নিহিত। হাদিস শরীফে বর্ণিত আছে, বনী আসহাল গোত্রের হযরত আসমা বিনতে ইয়াযিদ আনসারী (রা.) বর্ণনা করেন, তিনি নবী করিম ﷺ এর দরবারে আগমন করেন। তখন রাসূল ﷺ সাহাবীগণের মাঝে অবস্থান করছিলেন। তিনি বললেন, হে আল্লাহর রাসূল! আমার পিতা-মাতা আপনার উপর উৎসর্গ হোক, আমি সমগ্র নারী জাতির প্রতিনিধি হয়ে এসেছি। আমার জীবন আপনার জন্য উৎসর্গিত। প্রাচ্য ও পাশ্চাত্যের সকল মহিলারা শুনবে যে, আমি আপনার কাছ থেকে বের হয়ে এসেছি অথবা শুনবে না। নিশ্চয় আল্লাহ আপনাকে সত্য নবী হিসাবে প্রেরণ করেছেন। আমরা আপনার ও আপনার ইলাহর প্রতি ঈমান এনেছি। আমরা নারী সম্প্রদায় আবদ্ধ ও সীমাবদ্ধ, আপনাদের ঘরে অবস্থানকারী। আপনাদের চাহিদা পূরণকারিনী ও আপনাদের সন্তানের গর্ভধারিনী। আর আপনাদের পুরুষ দলকে জুমা, জামাত, রোগীর সেবা, জানাযায় উপস্থিত ও হজ্জের ক্ষেত্রে আমাদের উপর অগ্রাধিকার দেয়া হয়েছে। আর সর্বোত্তম হজ্জ্ব হলো আল্লাহর পথে জিহাদ করা। আপনাদের কেউ হজ্জ্ব, ওমরা ও জিহাদে বের হলে আমরা আপনাদের সম্পদ সংরক্ষণ করি। আপনাদের কাপড় তৈরি করি ও আপনাদের সন্তানদের লালন-পালন করি। আমরা কি এসব আমলের সাওয়াব ও উত্তম কাজে আপনাদের সাথে শরীক হবো? নবী করিম ﷺ সাহাবীদের প্রতি মুখ ফিরিয়ে বলেন, কোন নারী কি তার দ্বীন সম্পর্কে এ নারীর চেয়ে উত্তম প্রশ্ন করেছে? উত্তরে তাঁরা বললেন, আমরা ভাবিনি কোন নারী এরূপ হেদায়ত গ্রহণ করেন। নবী করিম ﷺ তাঁর প্রতি মুখ ফিরিয়ে বলেন, হে নারী! তুমি বুঝ এবং তোমার পশ্চাতে থাকা নারীদের জানিয়ে দাও, স্বামীর জন্য স্ত্রীর অনুরোক্তি, তার সম্বন্ধি কামনা করা এবং তার সিদ্ধান্তের অনুসরণ করা ঐ সব নেক আমলের সাওয়াবের সমান। তারপর মহিলাটি খুশীতে লা ইলাহা ইল্লাল্লাহু ও তাকবীর বলতে বলতে চলে গেল।

^{১৪৫০}. ইমাম ইবনে মাজাহ (র.) (২৭৩ হি) ইবনে মাজাহ শরীফ, সূত্র: সফীনায়ে নূহ, পৃ-২৩৪

^{১৪৫১}. ইমাম নাসাঈ (র) (৩০৩ হি.), নাসাঈ শরীফ, সূত্র: সফীনায়ে নূহ, পৃ. ২৩৪

এ মাসে ওফাতপ্রাপ্ত মনীষীগণ

■ ইমাম মুহাম্মদ ইবনে ইসমাইল বুখারী (র.)	১ শাওয়াল	২৫৬ হিজরি
■ হযরত ওসমান হারুনী (র.)	৬ শাওয়াল	৬১৭ হিজরি
■ মুফতি আমীমুল ইহসান (র.)	১০ শাওয়াল	১৯৭৬ ঈসায়ি
■ বাদশাহ আলমগীর আওরঙ্গজেব (র.)	১২ শাওয়াল	
■ ইমাম আবু দাউদ (র.)	১৬ শাওয়াল	২৭৫ হিজরি
■ মুহাম্মদ ইবনে সীরীন (র.)	শাওয়াল	১১০ হিজরি